

鳴

鳳

記

鳴鳳記目錄

卷下

第二十二齣

鄉林會試

第二十三齣

拜謁忠靈

第二十四齣

世蕃奸計

第二十五齣

南北分別

第二十六齣

二妻思望

第二十七齣

幼海議本

第二十八齣

吳公辭親

第二十九齣

鶴樓赴義

第三十齣

三臣謫戍

第三十一齣

陸姑救易

第三十二齣

易生避難

第三十三齣

鄢趙爭寵

第三十四齣

忠良會邊

第三十五齣

秋夜女工

第三十六齣

鄒孫准奏

第三十七齣

雪裡歸舟

第三十八齣

林遇夏舟

第三十九齣

林公理冤

第四十齣

獻首祭告

第四十一齣

封贈忠臣

鳴鳳記 下

鳴鳳記月錄 下

# 鳴鳳記下

## 第二十二齣

副末上

閩南才望越州文養翮凌霄已數春海甸清風  
今始順飛騰直上帝王城自家是林舉人家僮  
林相我相公向因倭寇攻陷本郡避難杭川幸  
蒙臨安鄒相公重金蘭之契同移入城寓居一  
所炊爨雖分彼此朝夕實賴周旋且喜邊烽稍  
息道路清寧我相公家業分崩已無南還之志

試期迫促方懷北土之思今早着我買舟與鄰  
相公同上京師我想雖則漂流外境舉目無親  
幸得二位相公相倚同行亦可少舒旅况二位  
夫人同居相傍亦且內顧無憂實不幸中之幸  
也船已顧下不免回覆相公收拾行李早辦登  
程前去

下旦占同上

一剪梅

旦

才郎將玩上林春絮舞空庭花謝閒庭

貼

連枝花底促分襟觸景開情覩物傷情玉樓春

旦

綠楊芳草長亭路年少拋人容易去

占

樓頭

殘夢五更鐘花底離愁三月雨旦無情不似多

情苦一寸還成千萬縷占長江無盡水悠悠比

我愁腸短幾許旦嬌嬌裙釵遭變亂邂逅江關

夫婿爲功名同游上苑當此別離情況焉能止

淚交流占伯母萍梗寓他鄉過蒙招集鴛鴦棲

梁石又見分飛言及傷心事情添我斷腸隱痛

旦今日也無可奈何只得要送他行了占看他

行色匆匆諒不可挽留矣

前腔生挑香浪暖正春晴雷動龍門魚躍龍門小



生

扶搖萬里奮鵬鵬直上雲程同步雲程玉樓春

生

風光艷冶侵簾幙辭別春闈啓朱戶小生墻

頭紅杏雨餘花門外綠楊風後絮生朝雲望斷

知何處應作巫陽春夢去小生紫驕今日逞行

踪嘶過畫橋東畔路相見介旦貼二位相公行

裝雖整情意牽縈少緩半日何如生小生二位

娘子試期已迫道路尚遙不得久留也

二犯傍粧臺

旦

行色向神京垂楊影裡馬嘶落日

雨三聲惹得我心添悽慘

悲介

愁似織淚如傾我

半幅鴛衾悲乍冷你一舉鰲頭願早膺令江山跋  
涉賓鴻遠征那堪踪跡等浮萍

前腔

生

自昔蘊經綸憂民念國此行端不爲微名

大丈夫非無別恨言及處淚難禁我京國有花須  
縱眼你筐筥無桑要矢心合孤幃寂寞花鈿自矜  
巫山休得夢朝雲

前腔

貼

南浦話離情自今別後告君須記爇戍人

嘆兩處飄零他境

悲介

腸欲斷淚先零你上國並

翔雙舞鳳須念我異地愁聞對語禽

合

江山跋涉

鳴鳳記 下三

賓鴻遠征那堪踪跡等雲萍

前腔

小生

名利線牽人此行勉強豈思朱紫佐朝

廷詩書債須當還盡情脉脉淚紛紛我客邸怕添

冤夢遶你鏡裡休嗟形影分合孤幃寂寞花鈿自

矜巫山休得夢朝雲副末朋友相待多時請二位

相公落船去罷生你搬着行李我就來了旦相

公你如此恁然就去了生娘子大軍之後繼以

凶年家園清素桂玉關心別後情懷萬望自遣

林家弟婦遠來避難早晚維持必須寬慰旦相

公家事不必叮嚀但恐荒村雨露野店風霜旅  
况愁懷幸君自愛小生娘子黃鳥已寄他那青  
鸞又分破鏡與言及此腸斷心崩但既欲名遂  
功成未免遠離久別鄒家嫂嫂重蒙周恤你可  
分勤代勞事之如母貼奴家職分不須分付但  
願相公鰲頭早占雁足先傳使尊嫂寡妻同沾  
雨露那時握手相歡不似今日別離之苦也生  
小生我二人就此別了旦貼奴家有送

玉山頹

旦扯生衣泣介

離情添恨謾牽衣頻說誓

盟願珍防野店山村

附耳低語

還須念玉消香褪

生泣介

你蘭情蕙性休害得愁眉蹙損

合

返旆期

難訂淚盈盈願封書早早報泥金

前腔

貼扯小生手介

叮嚀須聽未登程先問歸音

縱君家駟馬高登

低語介

休學做虧心短行

小生

芙蓉帳冷望娉婷寬心待等

合前內催介

潮水已

平請二位相公登舟

生小生

滿懷離別恨盡在

不言中二位娘子就此拜辭了

對拜介

鷓鴣天

生

兩兩分飛痛此行

旦

相携無計破愁城

小生 空山化鶴舒長翼貼寒夜啼鵲泣短檠二生

二位娘子請回並下二旦吊場旦人去矣不留情

貼雙眸凝注枉叮嚀旦倚樓謾把長江盼貼漸遠

孤帆欲斷魂

旦淚隨流水去貼愁逐野雲飛

旦願取歸期速貼明朝也是遲

第二十三齣小外上

上林春思遶風雲光依日月經筵罷仙班方徹公

門桃李芬芳總是同心豪傑菩薩蠻翰林聲價南

金重禁中曾賜金蓮送屬草墨淋漓承恩在鳳  
池昨將虎榜閱同契名登列濟濟入絲綸何愁  
有佞臣下官翰林學士郭希顏是也職居鰲禁  
名重鸞坡黼黻皇猷繼先王之統緒文章潤筆  
爲後進之規模只是權奸當國常勞青瑣精神  
誦謏成風久厭黃梁富貴且喜我門生鄒應龍  
林潤今科並登進士此二人夙抱經濟之才素  
懷忠義之氣若天不欲轉危爲安不使一人聯  
牌今日戮力同心共獎王室信有人也昨日殿

試已畢想今日必來見我不免少待

紅林擒

生小生上

十九人中名列解却藍袍結小

生

宴罷曲江酣悅金勒馬嘶風烏帽宮花插合天

街隨步朝金闕從此把忠誠竭

未持帖報

鄒林二

進士老爺要相見

小外

請進來

見介生小生恩

師大人拜揖

小外

二位老弟恭喜西湖別後雲

山隔

生

柴桑今日沾新澤

小外

雙鳳喜齊鳴小

生

皆蒙樂育恩

小外

與君重話舊久旱甘霖驟

二生合

慶幸共登庸相逢喜氣濃

小外

二位賢



弟請坐看茶來二位到京本當寄居小寓因有  
閱卷之責恐涉嫌疑不得相請今蒙下顧足見  
不忘故舊之情 二生 學生輩舍館未定之初本  
當先見長者聞恩師大人入與場事不敢請見  
拜遲有罪萬望海涵 小外 桃李已入公門驚風  
並歸羅網但願二位不愧科名不負天子可也  
生小生 謹領教

畫眉序

小外

三策獻君前頭點朱衣聖恩眷慶朝

廷明盛羅網英賢你報王家須効伊周明素志當

畢管晏

合

百年豪傑興文獻重新造舜日堯天

前腔

生

數載困寒毡遭遇明揚簡微賤喜昔年同

契並列春官幸科名選中青錢展所學功崇紫殿

合前

前腔

小生

禮樂盛三千瑣院掄才遇青眼似洛陽

年少前席君筵謾誇他鳳沼瓊林且學做魚頭鐵

面

合前生

恩師大人學生二人久仰當時夏太師

忠義高風死于非罪恨吾生也晚不能與他同

死臣節今雖掉尾縉紳瞻拜儀容已無及矣聞

得他樞尚在城外寺中欲去少伸一拜以慰鄙

私小外足見忠誠默獎下官就陪同去便了行

介憶秦娥小外行寂寂長安道上西風急生西

風急烟花繚繞塵沙浙瀝小外悲介遠看白鶴

巢蒼柏老臣此處埋忠骨小生埋忠骨淒涼古

寺殘燈破壁小外這是寺前了請進生呀停柩

頗多不知那個是看介桂洲夏公之靈位這是

了就此同拜罷拜介

三段鮑老催合元勳大賢仰休風未瞻範顏王臣

盡蹇遇讒邪疑生陞簾臯陶明典原非犯蕭何相  
業翻成陷痛開河杳丘隴頽桑田變天涯和鶴空  
悲咽長安古道芳草芊游人淚滴流紅茜太師旣  
已拜謁請出寺門去罷正是傍人恐作鶯蟻食  
暫替兒孫哭夜臺止扮瞽婦上老爹奶奶呀聽  
求乞的唱個曲兒蘇州歌瞽目哀求淚滿腮瘦  
骨如柴記得當初花正開遇喬才在陽臺魚水  
和諧呀魚水和諧腰肢摟抱對胸懷着意摸揣  
呀着意摸揣露滴枝頭牡丹開墮金釵寶髻歪

飛散魂魂呀飛散魂魂不覺春去又秋來鶯老  
花衰呀鶯老花衰百媚千嬌忘我愛朝不揣暮  
不來撇在塵埃呀撇在塵埃冤家把我目來害  
抄化長街呀抄化長街慊慊氣息苦難挨罵天  
災告官家說個明白呀說個明白生你那婦人  
緣何有此怨聲丑奴家原是揚州商人李氏之  
女父親在京開個段疋官店嚴世蕃在店前經  
過見奴姿色強逼爲妾父親既死家財盡被擄  
占今世蕃有一十六個愛妾見奴色衰萬般凌

虐他正妻懷恨昔日寵愛將奴刺瞎雙目趕出

抄化

衆

有這等事他既無君臣之義又乖夫婦

之倫真禽獸不若也

生

你那婦人此處已無家

矣揚州有親戚在否

丑

雖有親戚無目難去

生

婦人我下處在貢院西首張家你明日到我下

處暫住倘有南歸鄉里央他帶你回去

丑

多謝

老爹正是救人一命勝造七級浮屠

下小生

恩

師大人聞楊椒山夫婦權厝西城外學生二人

也要去拜一拜

小外

此去不遠再陪同往行介

憶秦娥

小外思臣節關門西出音塵絕生音塵

絕西風殘照漢家宮闕小外你看壘壘孤塚狐

狸穴猿聲哀斷空山月小生空山月愁雲衰草

封頽馬鬣此處已是他墓所好淒涼風景就此

荒草地拜一拜罷同拜介

三段鮑老催

合椒山公你名高泰山挹天潢曾濯

肺肝老宜人你心如冰鑑勵堅貞叔姬並賢羣奸

隊裡孤忠顯黃沙泉下清風現聽子規啼流水泣

高山怨同心未遂鐫功願長安古道芳草芊游人

淚滴流紅茜

衆

拜墓已畢且回去另日再水拜掃

黃壤千年埋恨骨白雲平地結愁陰

外扮乞丐

上老爺求乞些

打蓮花落介

一年去了又是一

年來哩哩蓮花哩哩蓮花落也又見梅花雪裡  
開哈哈蓮花落也人生在世就是一熟黃梁夢  
哩哩蓮花哩哩蓮花落也我想富貴英雄都是  
命裡排哈哈蓮花落也我乞兒本是豪家子哩  
哩蓮花哩哩蓮花落也與嚴家大相自幼往往  
來來嘻嘻哈哈同眠同坐相親相愛就是一個



人相交不放下懷哈哈蓮花落也今日他做官  
來我貧苦哩哩蓮花哩哩蓮花落也就是一個  
升天一個落在地塵埃哈哈蓮花落也特到京  
中尋故舊哩哩蓮花哩哩蓮花落也只見他烈  
烈轟轟呼呼喝喝大模大樣前遮後擁把那街  
上閒人盡打開哈哈蓮花落也費盡盤纏不相  
見哩哩蓮花哩哩蓮花落也害得我來不來去  
不去只得打下一回蓮花落也求乞些米糧齋  
哈哈蓮花落也

生小生

你那抄化的是那裡人

外小人原是江西袁州人氏姓胡名義自幼與嚴東樓爲挽角之交他父親未貴之先多虧我家今因他父子權勢管家人郭宜橫行鄉郡將我田地吞占小人無門控告尋了盤費上京往訴東樓望彼有故舊之情或可還我不意到此半年不得相見盤纏使盡口食不週欲得自盡妻兒懸望欲得還鄉路途遙遠只得做個乞兒暫度幾日再爲之處衆那厮朋友之倫也絕了罪惡貫盈諒不爲天地所容也小生我寓所在

貢院之西你那乞兒到此暫住倘我同年中有  
先選江西者央他帶你還鄉外多謝老爺正是  
着意種花花不活無心栽柳柳成陰下生小生

恩師大人學生二小本來拜謁忠魂不意見此  
二奇事忠義關心奸邪觸目莫非感慨只得且  
回寓罷行介迤邐行來已入城了內作樂介生

這是那裡作樂小外這是嚴家的園亭想有人  
在內飲酒哩生看介好壯麗也

滴滴金

衆

看他樓臺掩映連畿甸珠玉塵輕賤軒

冕黛眉歌舞歡聲遍剥民脂充私苑窮奢不悛終  
須有日天開鑑天開鑑商君車裂難免

丑末扮二

吏上末

朝爲田舍郎暮登天子堂問道因何故

家中有孔方

丑

小小休勤學金銀可發身君看

嚴宰相必用有錢人郭老爺拜揖二位老爺賀

喜

小外

你是那衙門來的

丑末

是嚴府大爺貼

身的聽事吏

生

到此何幹

末

特與二位新老爺

說個私房說話

生

所言公公言之所言私我二

人無私

丑

實不相瞞吏部每一開選必來請問

我大爺不拘大小官員若有禮到我家者必有

好選二位老爺若要好官與好地方早早來通

關節生這等有權末不惟有權且是有價的生

胡說難道朝廷官爵把與你家做買賣丑你若

不信現有大爺親筆細帳在此出帳送生介丑

你看兩京十三省地方都有在上某處要銀多

少某處要銀多少小生怒介這廝賣官鬻爵大

傷朝廷體統長兄看他怎麼奪帳扯碎介丑屈

屈好大膽大爺的親筆敢擅自扯碎了小生扯

碎了便怎麼生賢弟太性急了留他上本纔好

丑要上本夏禿頸楊無頭有樣在那裡小生打

這廝打丑介丑打得好打得好不要也短了一

尺小外二位不要與他賽口對丑末介你兩個

好不識人還不走哩丑夫夫少不得到我嚴府

前來大眼睛拳也釘他一個並下生恩師大人

時事如此做官也難了小外功名成敗自有大

數

雙聲子合功名會功名會造物從公典胸襟展胸

鳴鳳記

襟展事業期宏遠驅奸佞驅奸佞須黽勉須黽勉  
效夔龍匡贊斯無圭玷

餘文

合謨明啓沃黃金殿從今効帝臣黎獻看取

奇勲振兩間

小外十年埋沒少年豪

生虎榜欣同姓字標

小生草就驅奸二三策

合應搖山嶽鬼神號

第二十四齣

副淨上

阮郎歸椿榮桂茂冠當朝威權肅百僚金堆玉積  
富雄豪尤誇軒冕高金盈郭况穴錢積鄧通山自

誇天上客人道地行僊我嚴世蕃荷皇上之恩  
藉家君之勢威權第一寵幸無雙家有敵國之  
資朝無抗顏之士人生至此富貴極矣只是俗  
諺云兒多儘惜財多儘要假如我有八九個兒  
子那少得一二百萬金銀爲此設個賣官鬻爵  
之計不拘大小官員要選美職者上等要他二  
三千兩下等也要八九百金若不求我者置他  
苦寒地面昨已差聽事吏去尋幾個富家主兒  
且待他回報聯名送去吏部便了

末北上欄羊



嘖嘖言

都尉無心做伴食中書望眼穿聽事吏叩頭付

淨你回來了可有幾個好主兒麼丑不要說起

有兩個新進士鄒應龍林潤不來叅謁老爺反

去升那夏言楊繼盛的冤靈付淨敢如此無禮

末老爺還有無禮哩小人說起選官的事一個

扯碎了老爺細帳一個把小人一頓拳頭丑又

作謠言譏誚老爺說道此時父子二閣老他日

一家盡獄囚付淨怒介這畜生好不知死活須

用計擺布他快請我心腹駢御史來末應下

趙皮鞋

淨扮鄢懋卿末隨上臺省位清高趨奉日

心勞笑裡藏刀勝李猫偏宜相府爲牙爪下官監

察御史鄢懋卿是也蒙東樓公相招議事不免

進見末報介鄢爺到了見介淨天上碧桃和露

種淨日邊紅杏倚雲栽淨五侯權勢如山拱

付淨不懼乘驄二鮑來道長賢弟請坐淨長兄

大人有何見教付淨你曉得吏部開選必來請

問我家故每次選官少不得靳銀幾萬淨這是

相府舊規再不可缺的付淨正是可惡那新進

畜生鄒應龍林潤打我差人壞我體面看他十分強梗若不早除了他後日難保不受其害你與我尋思一計結果了他省得他人看樣

淨思

介 這個有何難哉古人云將欲取之必固與之日今北邊鞑虜強盛軍士乏食就以急缺風憲事例選鄒應龍爲巡邊御史賞銀五千兩去賞二十萬邊軍人衆賞輕必然生亂那時待我効他尅減國課激變軍心豈不結果了他性命林潤選他行人就差安集雲南久反土官必然遇

害倘幸回朝再差往琉球日本永無還鄉之理  
外人見此美選又不相疑此是兩處中傷之術  
不知大人以爲何如 付淨 妙哉妙哉此計不惟  
朝廷不知抑且鬼神莫測就把我帖兒送到文  
選司去教他依此而行 丑末應介

大趯鼓

付淨

慫慫赴吏曹分付那文選司官教他

勿依資格超選英豪鄒生御史巡邊道行人林潤  
撫南徭 合 若有文憑卽遣出朝

前腔

淨

你疾忙到選曹諒他承言順旨不索分毫

鳴鳳記

管教他北軍跋扈難安勞南蠻未附易生撓

合前

前腔

丑末

明公命我曹去吏部時呵叮嚀告戒掌

記須牢那窮酸呵昨朝性氣還施傲他年管取受

風濤

合前

付

術中藏隱禍

淨

巧內用深情

丑末

美選無人識

合

機關是殺人

第二十五齣

生上

賣花聲豪傑氣冲天鶚薦鵬搏口銜天命勞三邊

管教安集軍民也萬里威權聖主崇儒術賢才翼

帝躬立朝防觸豸行路避青驄筆底甘棠露臺  
端古柏風邊塵期掃盡回劍斬奸雄我鄒應龍  
身際五雲臚傳三甲昨蒙吏部以急缺風憲事  
例選我爲山西道御史就勅巡視三邊詣衛近  
年資格旣無如此之速一榜之中又無如我之  
驟正在疑慮之間朝廷降勅着我賞銀五千兩  
賞勞邊軍二十餘萬天下難處之事莫甚於此  
我想起來前日爲因扯碎嚴家細帳那厮懷恨  
故爲陽與陰排之計致我激亂邊軍那時就墮

鳴鳳言

其計了欲待上本劾他奈我新進之士素行未  
孚於君且從王命運往三邊死生禍福自有天  
數不遇盤根誰別利器倘天不助惡使我生入  
玉門關我與奸雄未知死誰先後也我林弟亦  
選行人之職奉使雲南安輯土官正是兩處中  
傷之計勅命已下今日就要起程不免待他出  
來分別

雙勸酒

小生上

英雄少年經綸初展玉音下傳皇

華遠遣分飛鴻雁意留連望雲山淚眼空瞻

相見

介生 五更初聽報朝鷄 小生 丹詔親承走馬歸

生 華館蘭臺雖寵遇 小生 燕山蜀道兩睽違 生

賢弟我和你同登高第共濟時艱方幸致君之  
有階竊擬誅奸之在迓何期觸犯權臣選此遠  
任雖曜龍門實探虎穴自今南北分離須各要  
立功而歸不墮奸計再得相見可也 小生 長兄

小弟因無涵養觸怒奸雄并累吾兄兩處狼狽  
望兄到此委曲操心黽勉自愛養此有爲之身  
以待歸朝之用小弟此去敢不臥薪嘗膽他日



鳴鳳託

南還共建大業豈非至願乎

生

賢弟但我與你

既分鸞鏡又別鴛原使命危疑離情苦楚好傷

人也呵

江頭金桂

生

自幼苦青燈黃卷勵躬行景聖賢幸

喜遭逢堯舜不孤所願把葵心來靖獻

小生

長兄

我輩欲盡忠心爭奈奸臣間阻

生

自那日拜謁忠

賢佞臣窺覷却被奸謀巧術命遣巡邊飄飄一身

等曉烟

小生

他雖用計也是有天命

生

諒天開明

鑒諒天開明鑒此身不殄

小生

望長兄善撫邊軍

早圖歸計

生

倘有回朝之日那時呵進危言撥開

妖霧懸秋月蕩去邪氛見晚天

付未持帖

嚴府

差官送贐禮多拜上二位老爺大爺有事不得

親送

小生

這廝口密腹劍正所謂慝怨而友者

也傾他的禮在外面

生

賢弟且不要使性氣驚

鳥將擊卑飛歛翼况彼以禮來當以禮往把個

回帖與他去只說例不敢領便了

付未應下

前腔

小生

自小負王臣蹇蹇幸登庸志可堅指望

民安風善讒邪草偃俾明王宗社奠

生

這是我

鳴鳳記

你的素心不意今日俱遣蠻荒之地

小生

既爲王

事勞賢敢辭荒甸只得向邊城萬里各履風烟將

燕沙嶺雲都遶遍

生

從此別後望各加勉勵

小生

願相須黽勉願相須黽勉功勲早建

生

下官此去

歸期未卜但愿賢弟早早南還

小生

待南還先將

豺虎傾巢穴謾把忠良付鼎鑊

付末持帖上

禮部

董爺工科吳爺設酒在都門外請一位老爺餞

行

生

你拜上二位老爺王事匆忙不得登領盛

筵了多拜上罷

付末應下生

賢弟我與你兩處

分飛家鄉絕無音信如何是好小生只教林相

回去慰安嫂嫂與荆妻便了生既如此就此拜

別拜介

憶多嬌生悲哽咽眉似結悠悠旌旆傷遠別望斷

衡陽音問絕合命途多折命途多折遭此顛連阻

節

前腔小生愁蘊結心似裂孤飛兩處風與雪腸斷

驪駒聲慘切合前

闕黑麻生身只爲朝端虎狼共穴不念我孤臣瀝

嗟厚計

肝濺血

生

賢弟那賊臣呵隆勅命豈心悅我此去

縱然有功也被他蒙蔽萬里君門怎知盡節

合山

川歷越橫雲遮帝闕此去迢迢此去迢迢鱗鴻怎

覓

前腔

小生

心竊幸吾兄矢心似鐵還堪慮孤臣未

請使節長兄從此一別未知何時得會辭別去轉

悲切到此地位家也顧不得了空把鄉心覓飛楚

越

合前

生鴻飛塞北雁飛南

小生

兩處堪悲總一般

生  
回首鄉閨悽慘處

小越江流淚濕吳山

第二十六齣

旦上

念奴嬌野堂花落漸殘紅飄盡暮春時節上苑才  
郎頻入夢一枕銀屏寒怯曲岸持觴垂楊繫馬此  
地曾經別樓空人去舊時飛燕能說浪淘沙簾外  
雨潺潺春意闌珊羅衾不奈五更寒絲髮不歸  
魂夢冷望斷長安獨自莫凭欄無限江山別時  
容易見時難流水落花春去也天上人間奴家  
自從鄒郎赴選之後眼望旌旗耳聽消息且喜

鳴鳳記

他與林家叔叔二龍競奮雙鳳齊飛高科少年  
天從人願前日府縣已送過旌扁但不知我相  
公該選何職官居何地歸期未卜幾時正是上  
國觀光雖慶雲龍風虎幽閨離况難禁寡鵲孤  
鶯且待嬌嬌出來與他排遣

花心動

貼上曉夢驚殘聽流鶯幾轉銜花聲咽寶

鏡羞臨綵線慵拈對春風欲語無言僊郎已暹看  
花眼怕糟糠不似初年願琴聲瑟調常無間歇浪

淘沙蹙損遠山眉幽怨誰知羅衾滴盡淚黥脂

春色上林遙望處千里鶯啼惆悵阻歸期人在  
天涯清風頻動小桃枝正是消魂時候也撩亂  
花飛相見介貼伯母孤蒲弱柳久寓他鄉紅杏  
碧桃喜攀上苑但婦順雖供乃職夫榮未測其  
心名疆利鎖常留遠塞孤臣楚館秦樓易動少  
年司馬情或遷於少艾慕君信必負乎死生契  
濶我等雖慶春闈之捷難逢畫錦之游不免愈  
添愁思旦嬋嬋良人同貴薄命有依奴輩旣非  
買臣之妻一郎諒無王魁之行玉音在邇海誓



難忘但身既列於縉紳情難戀乎衾枕古人四  
日取塗山未免八年治洪水竊恐他酒泣登舟  
征帆遠託澄清攬轡合劔無期只得忍耐而已  
貼伯母看幾點落花聽數聲啼鳥當此暮春天  
氣真個好傷情也旦嬌嬌剩半窓明月留一榻  
清風縱然獨坐香閨借此自能排遣持帕拭淚

香羅帶

旦

歸鴉噪夕陽柴扉乍闕此時風景添悽

愴天涯游子未應歸也臨晚鏡覷花鈿昨宵淚迹  
還存半倦看梁上也燕墜泥巢落碎香

前腔

貼

窓櫺漏晚陽月斜半山黃昏寂寞愁懷滿

畫眉人去景蕭疎也腰瘦損帶圍寬玉容不似當初樣忍看窗外也蝶帶餘花撲細香

生查子

付末上

魚書慰好音客路多勞攘昨日水

雲鄉今日錢塘上

見介

二位奶奶林相叩頭

旦貼

呀林相回了起來

付末應介旦

二位老爺客邸

安否

貼

選官曾未

付末

聽小人告稟

刮鼓令

付末

京師慶履康荷天恩開選場蒙吏部

超遷資格不泥平時選士方

旦

二位老爺可曾選

鳴鳳記

麼

付末

雙鳳喜翱翔

旦

我大老爺選何職

付末

大

老爺呵乘驄衣繡親承勅獎

貼

我二老爺選何職

付末

二老爺呵行人天使館華皇

旦

既如此緣何

着你先歸

付末

爲泥金報喜特還鄉

旦

林相我大

老爺今在何處

付末

大爺選山西道御史卽差

巡察北邊諸衛去了

貼

我二老爺今在何處

付

末

二爺選行人也差去雲南安輯上官

旦

他兩

個又分別了

付末

便是

前腔

旦

好苦也呵耶官應上方爲羈留名利輟撇

下了寒衾冷帳苦風塵侵鬢霜一榜也有許多進  
士偏差他去巡邊王事獨勞賢登山采芑教人凝  
望悲介相公你幸然叨沐聖恩光又堪嗟駐驛在  
羶鄉貼林相二位老爺幾時可歸付末諒在二三

年間

前腔

貼

好苦也呵聞言使遠荒頓教人增慘傷自

當日袂分南浦苦晨昏魂夢涼我那一日不望着

京師極目望衡陽鸞簫聲斷頻添悵快

悲介

今日

呵幸一朝身顯姓名揚又空悲寂寞滯他鄉

付末

二位奶奶不須煩惱諒二位老爺不出于二年之間同建大功回朝那時節共享富貴須有日也

前腔

付末

不須用感傷聽微言說審詳二位老爺在京呵逢際會同沾雨露仗旌旄分雁行二位奶奶他才畧足勤王忠心義氣比青年益壯此去呵料應不久滯邊疆看雙雙畫錦共歸鄉

旦

春色榮華憶上林

貼

那時鸞鳳久離分

末

須知愁思盈千斛

合

未必家書抵萬金

第二十七齣

末扮董傳策上

瑞烟濃憤發丘園遭遇早登天府傳世文章幸無  
負立朝忠義會禁闥未開言路休誤還須把嘉猷  
匡佐鵬鵠天年少曾耽萬卷餘幸然身到鳳凰池  
每懸玉珮聽鷄入曾戴宮花走馬歸三尺劒萬  
言書要誅奸佞轉清時直從宇泰收功後始信  
天生我不虛下官禮部主事董傳策是也庚戌  
榜中最爲年少春官署內頗信知名統袴膏梁  
恒患弗堪大任錦衣玉食每思難報皇恩爭奈

奸相嚴嵩父子濟惡自夏太師典刑之後大臣  
無不戰兢嗚服自楊椒山被禍以來諫官盡皆  
屏息忘言邊上總制之臣朝中直言之士不知  
被他害了多少近日鄒林二進士頗有風力朝  
野方倚爲重却被遠逐去了下官自覩其奸不  
容不奏豈不知直言取禍只是忠佞不兩立甘  
爲楊椒山的下稍耳昨已約兵部張鶴樓工科  
吳惺齋聯名劾奏諒他必來議本

菊花新

小生上

胸懸鵬鵬佩銅符名列黃門職掌

科奸佞未消磨封事條陳細數下官工科給事吳  
時來是也昨約董部長同劾奸臣今日到他家  
議本那來的想是張部長待他同進

前腔

外上

班隨郎署沐恩波誅佞曾將寶劔磨憂

國髮蕭疎何日朝廷清安下官兵部郎中張翀特  
來董部長處議本呀老掌科你先在此了小生  
下官在此拱候請同進去末接見介請了揖介

浣溪沙

小生

青瑣初開散御香外掀髯長笑入

朝陽

末

觸邪自信有神羊

小生

枕上夢魂因甚



散外鏡中華髮爲誰班末憂民憂國減容光小

生請問董兄本曾完否末畧已草完但未知二

兄主意何如小生那厮罪惡不能悉數下官要

把他父子盜權欺罔朝廷陷害忠良爲主外下

官要把他樹立朋黨私賣官爵實跡開後末下

官正是此意請二兄賜覽出本看介小生正所

謂三人同心其利斷金就此聯名進去便了

三換頭

小生

忠懷寫訴喜得辭情俱可爲勲臣元

宰陷奸雄佞徒况生賊子壞朝綱成病蠱我若不

除那賊臣呵夢寃中難消怨魔外吳兄之直諫何

異吳競之春秋小生直筆思吳競誅奸作範模合

爲國捐生未卜君王意若何

前腔外犯顏糾謬養成平素心盟盡吐想天教吾

輩殲除豺虎這詞章真泣訴進本雖由於我聽言

則在於君願重瞳明彰罪罟未張兄之犯顏卽唐

太宗之張玄素也外抗旨追玄素當爲烈丈夫前合

前腔末人生禍福皆由前數况君恩感激肯私心

自誣羣狐期掃滅孤臣甘攢斧今我三人心惟

天可表遇同心忠言幸符

小生董兄如此忠鯁也

不愧董宣之強項了未立志希強項何愁貴戚多

合前末

二位長兄今日之舉死多生少下官孤身

在京無父母妻子之累慷慨赴死不足爲難吳

掌科萱堂暮景不免烏烏之情張部長幼子嬌

妻恐有驚鶩之念倘赴死之時少有勉強留戀

不免取譏後世二兄也要斟酌

小生幼海兄此

身未仕乃父母之身委質爲臣卽朝廷之身也

遭逢不偶忠孝怎能勾兩全况我老母節義持

身忠誠教子若聞我剖腹當朝他必含笑入誠  
矣歸當拜別老母明早入朝諒無牽掛也  
海兄五倫之中君臣爲重夫婦爲輕古人烹童  
殺妾莫非爲君下官雖不能取法古人決不爲  
妻子所累今晚卽將荆妻犬子送歸本鄉縱有  
慘禍不使他見聞明日暴屍市朝亦何足惜  
既如此同拜告天地

一封書

合

同心奏遠謨爲朝廷愴壬多君心恐未

孚望神明默祐扶稂莠芟除嘉穀長鳴鶻殲夷鳳

鳥和息風波固皇圖願見康衢擊壤歌

外心志相孚義氣投

小生皂囊親捧入龍樓

末事君不懼頻加辱

合不剪奸雄死不休

第二十八齣

老旦上

金瓏璫桑榆方暮景那堪半世孤燈希孟母教曾  
參堂前叢駟馬囊底乏贏金兒郎惟願達承明處  
美人春花秋月何時了往事知多少小樓昨夜  
又東風故國不堪回首月明中斷機投杼心猶  
在只是朱顏改問兒青瑣有何言報道一封朝

奏九重天老身周氏幼適吳門夢斷兩髦已經  
廿載教傳孤息不憚三遷且喜我孩兒吳時來  
二舉成名謬知青眼三年滿秩榮擢黃門但恐  
他少年英氣不知憂國憂民尸位素餐徒負有  
言有責若得他犯顏廷諍立身揚名也不枉了  
我平生教子之功正是不啻鼎食三牲養惟願  
芳名千古知

**前腔**

小生上

班衣思定省何期言責羈身鳥鳥愛

忍難分淚流還自止心痛暗吞聲斯須辭別向楓

宸

老旦

孩兒回來了小生孩兒今日與同僚議事

定省歸遲望母親恕罪

老旦

孩兒仕則慕君正

當以公務爲急但不知今日爲何面帶憂容小

生

母親孩兒職掌工科爲朝廷興造差委點計

王本明日早朝之後就恐不得回來視膳問安

恐有缺失爲此而憂

老旦

甘旨之奉乃是小孝

但願孩兒匡濟國家名揚於後顯我生身所自

豈不勝於奉養

小生

雖如此孩兒此去諒有幾

日不歸今晚將一杯酒與母親少叙丫鬟將酒

來 丑應上

三盃和萬事一醉解千愁

小生送酒

梁州序

小生

孤幃堅守三遷慈訓節苦冰霜寒凜

勛勞難報兒今幸喜登瀛但只慮莪蒿非美餅罍

俱傾晚景黃花另

老旦

孩兒到此地位我也心安

意足了

小生

高堂衾枕冷倩誰溫

老旦

孩兒休說

此話亦不須下淚

小生

捧檄難全毛義名

合母與

子相依命爲奪情國事須廷諍思戲綵怎承順

老

旦

孩兒看你不勝悲痛不是差點王木想是要

犯顏諫君了

小生

母親沒有此事請自寬慰

老



應願言

旦 孩兒你聽我道

前腔

老旦

貞孤高節清風家慶世守相傳忠悃天

恩始受應知便罄葵心但只願神羊利角天馬長

鳴舉筆除奸佞

小生

孩兒縱要諫君豈不爲母親

白愛

老旦

君親原一體漫留情絕裾當成溫嶠名

令前小生

母親孩兒有一言告稟

老旦

有話但說

小生

孩兒不敢相瞞今早與同僚相約要劾奸

臣嚴嵩倘聖上不准必加斥辱恐驚惶老母不

敢明言今見母親忠言誨勉特此告知但父母

遺體不敢毀傷今爲君忘親罪不容於死也悲

介老且

豈不聞王陵事漢其母自刎以成其忠

范滂臨刑其母婉辭以勵其節孔融之母爲子而欲當其辜尹惇之母雖貧而不思祿食我老身雖不能取法古人平生教子之心實欲你做個忠臣義士今日你爲國除奸齊名李杜吾事畢矣死亦何憾

小生

母親賢德遠過古人但爲

人子者未報深恩反貽伊戚欲盡事君之節難

逃棄親之名當此兩難不勝腸斷

鳴鳳記

前腔

小生

覩朝中獸迹狐形忘膝下烏情鳥性恨

平生忠孝不能兩盡却羨那陳情歸養採甚供親  
先範真堪景細思腸欲斷淚沾襟教育空勞孟母  
名

合前

前腔

老旦

歎藁砧一卷遺經幸綵服名登臺省這

乾坤清氣當存性分你休爲着柏舟飄泊菊徑荒  
蕪草奏無心整袖中誅佞策勵精誠避禍休思徐

庶名

合前小生

孩兒此本縱有謫貶諒無大禍望

母親不必掛心

老旦

孩兒你不須念我且把死

生父母置之度外好好去做個忠臣

小生丫鬟

收了酒席就此拜別了母親

拜老旦介

節節高

小生

蒙親慰好音謹欽承明朝玉漏聽鷄

進爐香燼羽扇分鴛班定曙光浮動金龍影一封

親讀重瞳聽

合

只恐西山日影斜愁深一夜霜添髮

前腔

老旦

爲臣要矢心勿憂親鞠躬盡瘁承先訓

三牲進五鼎陳晨昏定算來爭似清名勝顯親萬

古須忠鯁

合前

餘文

合

古今青史如明鏡做男兒拚死捐生留取

丹心照汗青

且老爲國辭親志欲堅

生小官居諫議敢忘言

且老若還內省除奸宄

生小益顯高堂有母賢

第二十九齣 外上

翫仙燈攬轡登車王事盡驅馳厭元規塵污當世  
激濁揚清怎成吾志回首家園妻孥休繫長相思

朝金闕補玉闕明朝封事從頭說豺虎須殲滅  
荆妻別嬌兒別贏得啼鴒紅兩頰誰知腸欲烈  
下官約董吳二兄同奏權奸正是累卵擊石犯

之必碎飛蛾投火觸之必焦在賊窩固有五奸  
十惡之名在神等豈無萬死一生之慮倘我臨  
刑就戮之日使我妻子見聞那時豈能爲情昨  
已分付家僮收拾行裝送我嬌妻幼子還鄉明  
日含笑赴死豈不脫然無累叫小廝

付末上堂

上聞呼喚堦前聽使令相公有何鈞旨

外教你

預脩棺木可曾完否

付末

已完脩了

外

行李可

曾收拾麼

付末

也完了

外

請夫人公子就行

**前腔**

丑扮夫人貼扮公子上旦

和水諧魚封誥寵

鸞書俄爾間輕拋鴛侶

貼

膝下承歡養成麟趾此

去雲山瞻依何自

相見介旦

相公無故作凶器君

子稱不祥妾聞相公分付家僮要脩棺木將何

所用

外

昨見街坊老者凍死憐其無棺欲要送

他

旦

這也是好事相公他人凍死尚在見憐這

等寒天冷月不知爲着甚麼送我母子還家

外

我也不爲甚麼只是考績將滿當補外任爲此

送你母子先去下官不久就歸

貼

爹爹父子不

忍相離閑山又難遠涉既當補外任待有地方

外 孤館人離腸愈裂

旦

香衾身去夢還回

占拜悲

介 趨庭教陟岵思望斷衡陽季子悲

合

此去愁懷

難自慰春蠶絲盡燭成灰

外

夫人孩兒不須回盼

去罷

旦占拭淚下外吊場嘆介

我想朝中衆臣

多是封妻蔭子下官爲國反成拋妻棄子恐非  
人情也只是我平生志願不在妻孥之樂倘驅  
除奸佞使天下夫妻母子皆得安寧便苦了我  
一家也說不得

悲介

紅衲襖我祇爲着剪荆棘一紙書撇下了親瓜葛



成委棄我那兒我非是易牙誚佞烹子我那妻  
我非是吳起貪榮要殺妻端只爲明風志自分捐  
軀因此上把一家傾廢我那妻兒就留你在此也  
不妨只怕做不得楊椒山夫妻節義雙亡也空使  
傍人講是非叫手下明早把我棺木先擡到錦衣  
衛前倘我打死之時卽時掩釘恐見者生悲奸  
臣害衆

付末應介外

准脩青衣小帽到朝房裡

伺候

付末應介

外割愛分情總爲君

付末

鐵爲肝膽石爲心

列男兒必建回天策

付末青史應書萬古名

第三十齣

小生扮錦衣衛指揮上

蝶戀花

鍾動長陽雞報曉朝政驚心睡起衣顛

倒碌碌功名人自老漸看綠髮都蒼了塵世猶

如風偃草骨鯁丹心幾個人知道昨上封書名

表表天涯又貶雲山杳下官錦衣都指揮使朱

希孝是也自陸東吳棄世之後重蒙皇上勅我

掌堂公侯世澤休誇鐵券丹書君父新恩幸攬

玉麟銅虎昨日張翀吳時來董傳策聯名劾奏

老嚴聖旨批下每人重打八十發遣邊衛充軍  
那嚴老又差人威逼下官必欲置他們於死地  
我的衙門雖掌生殺之權但念三人皆忠義之  
臣豈忍他死於非命被我好生打個出頭棍兒  
救了他性命吳公原籍僊居問遣定海衛董公  
原籍松江問遣金山衛這都是以近就近了惟  
有張公是個本頭皇上親批榆林邊衛卽時起  
解可惜他俱是忠惓危言求榮反辱正是云不  
可使得罪於天子也

越調鬪鶻鶻俺想那幾個書生燈窓勤敏宇宙胸襟乾坤性分抱負平生功勲志銘養就的是丹心靖獻的是葵誠磊磊曄曄巍巍耿耿

紫花兒序

俺想他們將進本之時呵哭哀哀拜辭

了萱親淚盈盈送歸了王孫嬌滴滴撇下了鴛衾曉夜無眠惕勵憂勤端的是烈轟轟鐵膽銅心恨不得將奸回兒吞進敢則是一言難盡望斷了萬里君門

柳營曲

俺想他入朝之時呵耳聽着那撾鼓聲眼

鳴鳳記

丁三十八

望着那庭燎明入朝班  
緊緊兒將衣整看楊眉樹  
目鬼動神驚猛可地那奸臣  
覷着失三魂俺昨日

在武弁班中遠遠望見東長安門進來時呵

么篇祇見那張兵部老成強鯁  
執牙笏面訴衷情  
吳黃門欽依了那新王命  
抖擻了舊精神一定要  
重把綱常整又覷着小後生  
祇見那官兒年紀不  
上二十四五罷了却不曾聞  
姓名人道是仲舒孫  
他逞少年洛陽心性至誠  
痛哭王庭長歎息涕交  
零恰便是漢朱雲把檻兒  
攀損俺想起來楊椒山

之後却還有這三個臣子這三個攄丹誠都學盡  
粹報君頭一個是老魏徵不怕瀆了君王聽第二  
個鐵睥睨打破了堅城第三個恨不得舞吳鉤掃  
蕩了奸黨盤根他有這等爲國忠心俺將謂聖上  
越格超遷今日呵

**小沙門**

張兔網反羅了雉兒清耿擊魔天反打了

護法真人駭得俺雙股輕搖寒凜凜一個個向邊  
城口吐冤聲這也不是聖上斥逐忠良都是奸臣

蒙蔽之過

聖藥王他不爲着逆耳忠言進爲奸謀石固淵深  
欺君父狠行狐媚會逢迎惡狠狠斂着那不漏牙  
的吞忠吻黑漫漫藏着那不掘地的陷忠坑密圍  
圍將忠良兒一網都打盡去匆匆不回頭誰作捲  
堂文可惜那三臣貶竄朝中能有幾個人惜他  
尾聲只是咱惺惺的自古惜惺惺望天涯冤消鬼  
冷空留着青瑣闥諫諍虛名怎能勾紫凌烟功雕  
羹鼎

忠臣爲國効三仁

斥逐遐荒萬里塵

此日暫爲金革戍

他年還作縉紳臣

第三十一齣

淨付淨同上淨

光光乍尊爵獨巍巍逞英雄志未灰古今相業無

吾對

付淨

嚴君聲勢震如雷縱橫子奪何求不遂

淨

赫赫威名震四方

付淨

區區文武莫爭強

淨

與兒共建千年計

付淨

宗社無疆福壽長

淨

孩

兒我齒爵俱尊兒孫共貴人稱我爲半朝天子

可謂不謬所言矣只是易家與我世讐他有肥

田三千畝在我北莊相近可奈他恃強負固不



肯投獻正思用計害他何期那易弘器這小畜  
生又中了新科解元昨日到京特來叅謁我見  
他一貌堂堂必然高貴若不早除了他如虎生  
翼後日我子孫難保不受其害孩兒可有擺布  
他的計策麼

付淨

孩兒定下一計正要告與爹

爹知道昨已發帖請他今日飲宴哄他盡歡沉  
醉留在書房歇宿那時鎖着門兒孩兒房中有  
個使女秋蓉顏色頗醜要他無用教家奴彭孔  
認作妻子約至三更先殺易弘器後殺秋蓉天

明就教彭孔執兩顆首級到兵馬司首告易弘  
器乘醉佯狂強姦良婦并妻殺死那時彭孔不  
惟無罪抑且有賞那厮一死用產不患不是我  
家的

淨

孩兒此計甚妙但不知他來否

付淨

孩

兒已着人去速他諒必來也

前腔

付末扮易弘器上

文省幸掄魁到皇都赴禮

闈因叅相府蒙深惠鸞箋寵召自天來黃扉紫閣  
潭潭如海小生江西解元易弘器便是昨來會試  
因叅嚴府今日幸蒙招飲不敢不領其命此已

是他府前了門上通報丑上報介淨請進來相

見介

錦堂春

淨

畫棟樂賓綉燕瑤臺留客明花

付末

重樓疊宇聞歌舞疑是帝王家付淨篆鼎

倪香擁碧流珠鳳蠟紅斜

付末

候門不厭柴桑

士寵渥慶無涯老太師老大人學生輕率晉謁

執贊無儀猥辱寵招待食有愧

淨

易先生我和

你英豪會聚何必謙恭故舊相逢勿存形迹老

夫舊年閱各省鄉試錄見先生獨占高魁不勝

雀躍愚父子亦與有光今春諒必大魁天下矣

特著小兒聊薦荳觴少壯文場之興老夫又爲  
入朝議政不得相陪待小兒陪過素絲堂寬坐  
正是倦飛柳絮慚頭白故讓東風舞落花

下付

淨請了這是素絲堂了請易先生寬衣少坐

脫

衣坐介付淨

將酒過來

丑上

甕頭春酒熟江右

故人來酒在此

付淨送酒介

玉交枝

付淨

春風和詠謾論交酒斟玉杯斟金盞灑

光生彩請君寬飲開懷笙歌奏處意和諧  
黛眉舞罷盃還再

合

喜共游皇宮御臺須沉醉肉林酒海

鳴鳳記

前腔

付末舉酒介

寒微自揣荷恩榮光生上台玳

筵開處頻加愛兩情豈復疑猜錦堂春暖徘徊

玉樓人醉生狂態

合前末

奉老爺鈞旨請易相公

不要拘束移席到後園萬春亭樂飲以盡一日

之歡

付末

學生量不勝酒告辭了罷

付淨

老父

有命請易兄到園中

行介

這是萬春亭了將酒

來易兄請樂飲

羅帳裡坐

付淨

啼鶯語燕聲如勸孟明花媚景爲

君留在

付末

雖蒙盛情但學生盡醉必要告辭

付

淨

一定要留宿且無處去你看這梅稍月上豈容

不待

令

人生笑口甚難開須欠些酒錢詩債

付末

學生醉得緊了再不能加一盃矣

醉唱介

前腔飲酣興盡紅生杏腮花眠柳倦日長力怠

付

淨

再請一盃一定要盡情

付末作醉狀介

教我

冠不整禮儀終懈

合前付末醉倒介付淨

小厮那

易相公果然醉了扶他書房裡睡罷

扶付末作

睡介付淨

他既睡了鎖上了房門正是斷送一

生豪氣已消半熟黃梁

並下老旦執鑰匙上善

哉善哉手似扶人杖心如活命丹救得千人傑  
勝燒萬炷香老身陸氏乃嚴太師的表妹嚴世  
蕃的表姑孀居無靠暫依親戚世蕃姪着我教  
小姐們針指因此得宿臥房總聽得世蕃與妻  
兒商議說道易解元已鎖在書房內少待三更  
教彭孔先斬他首并殺秋蓉嚇得我汗透重裘  
我想易解元是少年豪傑秋蓉亦非有罪頃刻  
之間可不送了兩條性命天幸世蕃睡去被我  
竊得匙鑰在此先救了易生秋蓉自然不死呀

書房門果然鎖在這裡待我開着 開介叫付末

介 易解元這等好睡還不知死在頭上哩 拖付

末介 冤家快起來 付末驚起介

奈子花 付末 問娘行昏夜何來 老旦 爲郎君卒犯

飛災 付末 老媽媽小生醉後不知天地敢問有甚

麼飛災 老旦 你還不知我世蕃姪兒要謀殺你故

將酒醉倒少頃就教彭孔斬首并殺秋蓉我爲此

奮身力救恐遭毒害 付末 老媽媽就是我再生的

母親了如今却怎麼好 老旦 尋徑竇逃生莫待 付



未拜老旦介

深賴銘心鏤骨曷勝感戴

老旦 前面

已無去處後園門匙鑰我也竊在此送你出去

行介

前腔

老旦

戰兢兢脚步難挨

付末

小生還未醒也

行不動爲酩酊欲去還來老媽媽若無你救我之時險些兒做了粉齏肉醢

老旦

好了園門也開了

付末

方幸得餘生猶在

老旦

行快須防後虜追來

莫解

老旦

易郎後面人聲想是追趕來了快走快走

走我欲去不能欲回不可這裡有一口枯井待

我投下自盡罷

投井介下付末

苦老媽媽爲我

而死後面追來我又不能在此救他只得且逃性命正是撥開泉下路跳出鬼門關

下丑持刀

上欲存豫讓心先試荆軻劍我彭孔奉大爺鈞

旨去殺易弘器我看這個小官兒少年美質怎捨得殺他只是大爺許我殺了他時重重加賞常言道殺不得貧家做不得富家且把心腸硬了這一次下次再不去殺人了呀書房門已開在此莫非那個先殺了奪我的頭功且把床上

摸一摸好古怪那里去了莫非在床底下待我  
開窓悄悄看呀去了去了一隻鞋兒落在這裡  
想打從後園門去了待我追上去行介一發不  
好了園門也開在此去了湯正滾時狗又走了  
教我把甚麼來弄想他性命不該死反是我家  
裡人救了他了

前腔歎書生否極泰來遇家人脫離危災如今教  
我怎麼回報做不得樊期獻首鉏麇觸殆這也是  
天理他又無罪如何害他諒皇天暗中庇蓋我大

爺如今也惶恐羞害陰謀枉使却被他打開機械  
只是一件我大爺明日早上就要這兩個頭兒  
來解官了如今教我那裡去尋他來討賞賜想  
他去也不遠待我叫一聲易解元易相公拿了  
頭來你自去罷呖叫又叫他不應趕又趕他不  
着罷了罷了正是得放手時須放手得饒人處  
且饒人 下

第三十二齣 小外上

風入松 少年高折桂花枝行旆駐京師昨蒙相府

留深意還未審是和非且去尋消問息燈前準擬  
歸期奸佞嫉吾曹謀深益見高腹中原是劒笑裡  
總成刀香餌魚吞釣機弓鳥失巢秦姬裘未獻  
閑客恐難逃我郭希顏有鄉親易弘器新中解  
元昨來會試今日嚴府卽來招飲我想嚴家素  
與易氏有隙豈有不生妬忌之心反加過愛之  
理况兩京十三省解元俱在京師焉能獨宴一  
人爲此心生疑慮倘加謀害如何是好此際已  
將二更時分總着家僮到彼寓所訪問且待回

報外上

匿情吐哺留賢士誰識當朝王戶君

老爺小人到易相公下處說道午間赴宴尚未

回來小外

咳罷了罷了易生必落圈套矣小廝

你隨我暗中去嚴家門首打探消息

外

老爺他

家相府潭潭縱然有謀外面也不曉得

小外你

不知道事有偶然倘天幸逃出亦可接濟不幸

被害亦必乘此黑夜埋滅屍首倘見之時就此

叫破明日也好上本快走快走

行介

此是前門

絕無人跡再到後園門去

鳴鳳記

醉落魄

付末急上

忘機誤入迷魂地幸然脫殼金

蟬去回頭恩母向枯泉欲報恩無計

小外

那暗中

有一個人來莫非就是易解元旦上前一看

付

末

那裡兩個人來莫非嚴家巡更的不免就此

小巷躲避

小外

那人荒荒張張事有可疑且追

上去

付末回頭認介

果是易兄

付末哭介

哭相思虎吻狼牙幾陷矣何期此地重相遇

小外

恐有人追來快到小寓去

行介

此處是了易兄

請進小廝閉上了門易兄喘息定了慢慢說個

害你情由

皂羅袍

付末

奸相心懷毒意

小外

他請兄去怎麼

相待

付末

命東樓賊子欸曲羈縻

小外

飲酒之間

有甚話說

付末

玳筵歌舞恣歡娛金杯酬勸忘猜

忌

小外

正是奸計兄何不識

付末

花前月下又將

席移

小外

兄何不告辭

付末

酒闌更盡豈容謝辭

小外

那時怎麼

付末

沉醉中却牢籠計

小外

兄既

沉醉就中其計也不知了

前腔

付末

不解其間就裡

小外

他何計害兄

付末



喂鳳訃

待夜闌深睡鎖上黃扉

小外

那時何所作爲

付末

持刀彭孔斷微軀他把秋蓉並斬成姦罪

小外這

等如何得脫了

付末

天教姑氏私竊鎖匙

小外聞

嚴世蕃有表姑陸氏在家想就是他救你

付末

重

門引出迷途指歸

小外

難得這個好人教他如何

回去

付末

言之痛心他欲逃不能欲回不可須臾

投井歸泉世

小外

咳可憐可憐婦人女子有此大

義況爲嚴氏親戚且肯捨身救人益見奸賊之

惡下官雖無言責明早將他罪惡併殺兄致姑

死節的事情詳奏一本就死也何辭

摧拍

小外

聽說奸雄禍機頓驚心覺涕淚天下有

這般婦人追思救你時何異那吳女投江先脫子

胥我明日阿旌表亡靈大義捐軀

付末

如今本也

難上大人也要自愛

小外

臣子道願竭衷愚掛冠

去復何辭

前腔

付末

荷得皇天鑒茲離虎口幸脫災危只是

那奸雄呵一不做二不休雄心恐未灰小生當此  
之際京國固不能容歸途又恐遇害旅邸難居遠

嘆原詞

道難歸正是四海無家張儉誰依

小外

請自寬慰

付末

鄉關杳雲樹重迷回首處轉添悲

小外

易兄

你在此會試諒不能容復歸江西又恐遇害下  
官有門生鄒應龍見任塞外巡邊素有忠義你  
去那裡投他只說代我通問相見之後言及實  
情他必安慰着你待他復命同歸料無人測識  
下官明日捨身力諫倘有不虞諒鄒生回朝必  
與我報讐也

付末

重蒙大恩又辱指教只恐日

裡難行就此夜間告別

小外

此際城門未開且

到後堂茶飯待五更時分下官少助盤費差人  
送出城去 付末拜介

川撥棹蒙君語向邊城求暫止

小外

須有日同賦

歸與

付末

怕回來奸雄未除

合

怎教人勿痛悲不

由人不淚垂

餘文生離死別何足慮但願得早旋旌旆氣壯山  
河金戈挽落暉

付末

天地如此大

一身不能容

小外

暫爲袁紹客

回建破曹功

鳴鳳記

下五十

第三十三齣

淨扮鄒懋卿上

宰地錦襦牙牌紫綬兩垂腰鐵豸金章逞貴豪三  
年鹽鐵考功勞品秩加封日漸高收盡歷年鹽鈔  
做成一等人家千倉萬庫實堪誇不在陶朱之  
下自家天下都巡鹽鄒懋卿是也 將鬚介堂堂  
相貌堪爲宰相乾兒凜凜威風克稱僉都御史  
只是平生受了趙文華的虧我拜嚴介溪爲親  
父他也來做兒子我認嚴東樓爲長兄他也來  
做兄弟我送得白玉盃他就送金叢罷我苦苦

裡評得一個都巡鹽他烈轟轟倒做了都總制  
人解我是個附勢的小人不知他却倒是個趨  
時的老吏近日班師回來倭子不會見面陞了  
尚書之職昨嚴家會席公然偕我坐位爲此忿  
忿而歸必須尋個人間未有的至寶奉與嚴家  
父子奪他的寵幸方遂我平生之願小廝那裡  
未上一身非已有半世爲人忙老爺有何鈞旨  
淨我官豪家富皆是嚴家所賜不想被趙文華  
奉承太過偕在我上倘若漸漸寵衰教我置身

何地我欲尋取寶物投他父子歡心那時的寵  
眷又是我爲第一也你與我尋思一計就割我  
的肉奉他也情願

未

他家富比皇宮無寶不備

除非所求者壽所怕者死耳聞有僊人赤肚子  
食松臥雪煉長生不老之丹現在西山小茅菴  
內老爺不要使人知道明早更衣獨步竭誠而  
去求些僊丹送與嚴家父子保他長生豈不是  
他至願

淨笑介

有理有理

未

老爺還有好處若

求多得些自家吃了萬年千載得與嚴氏同享

富貴

淨笑介

一發有理明早就去正是夜眠清

早起須防還有不眠人

並下丑上

帷帳雖無謀

畧金銀滿載回朝尚書名比斗山高不是昔年

老趙可惡那鄢懋卿昨在嚴府會席忿忿先歸

想是忌我官高必要尋取計策奪我權位幸得

嚴鴻嚴鵠潛地報我說他祖父只少長生不老

之丹爲此欲求西山赤肚子僊丹奉他只是此

行歛些光彩不可喝道而去只得微服私行罷

介行

前腔徐徐緩步出西郊學做東方去竊桃

笑介

我



想着那老鄢雖善趨迎終沒有這樣心機笑他無

計枉心勞

淨暗上

同去山家走一遭

丑驚介

呀鄢

老弟何來

淨

趙賢弟拜揖

丑

嚴家繼拜惟我爲

先如何呼我爲弟

淨

諸子之中我爲最幸如何

你要爲兄

丑

我是二品尚書你是僉都豈無大

小之分

淨

我是他嫡親鄉里你是浙江豈無親

疎之別

丑背云

那廝好不讓人却不知到此何

幹待我哄他一哄鄢大人我和你旣爲兄弟就

如親生不可尚氣請問大人何往

淨

要到上前

去訪友趙大人何往丑也要山後去訪友淨背

云好古怪待我少避看他那裡去如此請各分  
路請了各走各回頭看介請了淨下丑急走介

淨暗上趙大人山後去如何對着小茅菴而走

丑兄要山前去如何也到這裡來淨實不相瞞

學生爲老母有疾特求赤肚子丑僊丹丑學生不

敢隱諱亦要求僊丹以救幼子之病淨足見同

心就此同去菴中有人麼

西江月

小生扮道童漁鼓上

明月杖頭懸弔清風

鳴鳳記

扇底招搖輕將漁鼓簡兒敲眼看蜉蝣笑倒

丑淨

小師父拜揖

小生

二位大人稽首

丑

我二人特

來求月亦肚大僊望乞通報

小生

我師父聞忠

臣林潤遠使雲南恐他嵐瘴特往護持他去了

丑

那個林潤

淨

就是向年衝犯東樓的小鬼頭

兒

小生對丑云

大人高姓何職

丑

你既是僊人

徒弟不必明言說個聲勢與你猜

駐雲飛奉勅王朝會向江南仗節旄文武聽吾調

生殺憑吾造唵金鼓動龍蛟海翻山倒你看梟首

轅門血遍三吳道屠滅江州似小曹屠滅江州似

小曹

小生

是趙大人了

丑

你那裡就知

小生

我師

父說道趙公領兵有詩爲証

丑

願聞

小生誦介

戰血流紅白骨枯江南春燕已無巢元戎恐怕

明君怒就賦流民秦凱歌

淨對丑介

惶恐惶恐

小生

此位大人何職

淨

我也說與你猜罷

前腔利析秋毫四海關津過幾遭商賈皆輸鈔帑

藏無虛耗嗒國富與家饒古今稱道便遇孔僅弘

羊未必他能到煮海吳王讓我曹煮海吳王讓我

曹

小生

是鄢大人了

淨

那裡見得

小生

我師父說

道鄢公巡鹽亦有詩爲証

誦介

監司昨日興常

例煎膏炊骨民無計從今炙盡水中渣五湖四

海皆無味

丑對淨介

你也大慙

小生

趙大人尚

勢鄢大人尚利我師父有言大人聽道

前腔

處世論交忠孝當全道誼高

對丑介

勢大難

依靠

對淨介

利重非公道唻王凱石崇豪後須難

保你看鷸蚌相持終有漁人到勿效韓彭赴市曹

勿效韓彭赴市曹

丑

我二人一爲母疾一爲子病

特來求令師僊丹若有在此萬望少賜

小生僊

丹到沒有有一個口傳藥方待我誦與你去罷

誦介

藥按君臣我脩知先培國脉用參芪伏仁

附子須防已官桂茴香要蒺藜吳越倭膏休服

用江淮血竭量情施一鍾早早虛心服雖不長

生也免誅

丑淨作赧顏介

承教了只得去罷告

辭了正是踏枝不着空歸去三匝無依烏夜啼

下小生弔場笑介

好笑這兩個奸雄明明要奉

嚴家反說爲母子求丹天下那裡有長生不老

之丹可見奸臣固寵之心無所不至我師父有  
先見常說鄢趙二人當遇楊椒山陰靈而死不  
久皆爲何鄧也到此還不省哩

沽美酒我笑文華枉智高那懋卿計也徒勞勢利  
冰山遇日消讒罔極罪難逃空惹得神嗔鬼惱我  
師父常說嚴家此時父子二關老他日一家盡獄  
囚諒不虛言他食天祿全家不道誅善類朝野冤  
號千歲藥不醫奸老九華丹來尋遲了休休你孽  
也自招禍也自招商鞅有下稍須信是好還天道

嚴介溪嚴介溪好心痴縱有僊丹誰與伊善惡  
到頭終有報只爭來早與來遲 下

第三十四齣

左右喝道生上

醉扶歸望荒烟衰草迷郊甸仗旌旗驄馬遶邊關  
聽胡笳千里斷魂時正鴻聲暗度寒雲畔威行燕  
趙勢傾韓還憂未落奸雄膽漁家傲塞上秋來風  
景異衡陽雁去無留意四面角聲從地起西風  
裡長安落日孤城閉濁酒一樽家萬里燕然未  
勒歸無計羌管悠悠霜滿地人不寐將軍白髮



征大淚下官鄒應龍向年違忤權臣差我遠巡  
邊衛自分激變軍情罪犯非小豈意忠誠感動  
將士安心正所謂投醪共醉挾纊忘寒也今日  
巡視已畢復命還朝一路行來風塵歷久不知  
是那地方了衆前面是居庸關了生天色將晚  
就在關上繳牌明日再行衆應介淨領衆上居  
庸關守備帶領將士接爺爺生起去淨請爺爺  
到察院裡坐衆此是衙門裡了生衆平下且退  
止留直日門子在此伏侍衆應下生立闕看介

我看這關上隊伍整齊器械精好野堡有聯絡  
之勢溝塹得險固之方城頭栽樹似疑兵斥堠  
烽烟如走電此皆昔年曾石塘親建我朝有此  
人可爲文武全才矣惜其爲奸臣間阻死於非  
命今日人亡功在豈不覩物傷情

普天樂意懸懸望孤臣渺渺寬無見石塘公你曾  
把忠誠兩字金精煉公之生死俱是上天留意既  
生公文武才全又付與完節歸天下官不經過此  
地那知你有這等大功追思你功非淺我國家此

後恐無人繼你還堪嘆無人再整天山箭下官此  
回定當表白前賢喜入朝相慶彈冠應須頌當年  
蓄怨把遺忠棄節圖繪凌烟

淨捧茶上

本關守脩

獻茶

生

起來你曉得昔年有個楊員外之子流

徙在此關外麼

淨

莫非楊繼盛之子麼

生

正是

淨

在此七年今已長成入在大同府學

生

你與

我請來相見

淨

鄉試未回

生

到此地方不能恤

忠臣之孤吾有餘愧矣也罷取紙筆過來

末捧

紙筆上生寫誦介

憶昔鴟鶚覆爾巢天涯何處

山縹緲蘭臺遠不知甚日得同還小生易弘器幸  
遇慈姑逃生鋒鏑又蒙恩友指示邊城一路行  
來已到居庸關上聞鄒御史在此不免跪門而  
進跪介生着那跪門的進來付未進跪介小生  
是江西舉子易弘器生我昨見試錄易弘器是  
江西解元敢就是你付未不敢生請起來說爲  
何到此付未起介

孝順歌

付未

非常事難盡言問關此身遭沛顛

生

却爲何

付未

仇寇老嚴奸田園冀吞占

生

他用何

暗原詞

謀

付末

邀歸繾綣

生

那時又怎麼

付末

沉醉中間

潛加刀劒

生

如何得生了

付末

伊姑氏救我回旋

郭老加恩眷

生

莫非翰林郭學士救你

付末

正是

郭大人既救小生又恐歸途遇害特着小生投告

臺下就此避難仗公義欲雪冤望鏡臺作明見

外

在傍去

那厮罪惡日甚一日了

生

易先生此位

是兵部張大人也爲糾彈嚴賊謫戍在此

付末

見外介

小生雖仰忠節未覲德容尚容拜見萬

望恕罪

外

易先生大難不死後祿可占請問夏

老夫人易氏是先生同俗否

付末悲介

前腔

付末

承公問心痛酸親姑向年遭禍端

生原

來是令姑娘

付末

流徙在西邊今生諒難見

外先

生不必痛傷令姑流徙全州與家下相近向年蒙

故友楊椒山見托一應布衣蔬食俱是我張翀供

應諒他晚景平安况荆妻在家必時常看顧

付末

大人不說小生怎知莫大深恩謝不能盡

拜介

蒙

公見憐轉死爲生洪恩無限

生

先生既是夏老夫

人令姪向年未裁送歸小夫人公子不知今在何

鳴鳳記

處付末

俱在家下重蒙大人撫養恩德小生避難

倉惶未及拜謝

拜介

來投告失措顛連未罄銜環

愿張大人撫我先姑鄒大人成我幼弟今日俱在

此會兩遇主各有緣這相逢數非勉

生

奇哉奇哉

今日之遇若天使之也張大人無謫戍之行何

以知夏夫人消息易先生無逃難之事何以知

夏公子存亡想是奸雄大數將絕夏家母子重

圓故天遣二公臨難而免至於此地明日下官

回朝盡言極諫誓不與此賊俱生易先生可同

張大人到廣西慰安令姑諒天恩大赦卽在指  
日那時同歸故里多少是好

榴花泣

生

邊城偃蹇盡霧氣迷天思返旆進微言

應將一木去支顛諒天心厭亂否極泰還旋

合愁

懷萬千望南山草滿朝雲暗挽天潢碧水清泉看  
消殘妖火狼烟

漁家燈

外

思前事撇棄家園悲往日斷送妻賢當

此際誓喪幽泉豈料微軀還見今日歸家呵屠龍

未遂增覲覲

合

愁無限怕奸雄難遣歎從今又分



鳴鳳記

異旬彼此悵快對誰言

剔銀燈

付末

恨流離如風飄霰望同心復仇舒怨

此去呵天南地北情相戀

合

只恐孤忠有功難建

須期個地轉天旋要使離人得再圓

生

分付關上

脩酒

衆應下

生明朝南北兩分程

外

姪見姑兮臣面君

付末

但愿朝中誅首惡

合

何愁塞外未歸人

第三十五齣

旦占同上旦

薄倖玉露生寒金風欺柳看小池荷敗香消顏瘦

也知又是仲秋時候

占

雙蛾皺歎鳳管吹殘楚調

何日見堦前輻輳

醉春風

且

北望天涯近雲深何

處問倚樓終日盼旌旗問問回雁峰前躍魚

波上難尋芳信

占

夜永蘭膏盡幽况何曾穩枕

邊珠淚幾時乾恨恨恨惟有窓前過來明月照

人方寸

且

嬌嬌邊疆羈宦已及三年閨闔懸思

難忘一日不知二位相公可會復命還朝否

占

伯母我知你既有望思之情他那裡豈無睽違

之念正是身離二處地腸繫四人心

且

今夜月

色溶溶深閨寂寂我欲對此寒檠做些針指不

知嬌嬌意下何如占奴家之意正欲如此一則

少盡女職二則可遣悶懷旦叫丫鬟取衣服針

線過來丑應上佳人心線雖千丈難繫雙飛紫

闕雲衣服針線在此二位奶奶今夜是中秋這

等好明月閒耍一耍倒不好苦苦裡做甚麼針

指旦你自去睡丑我沒有個男子漢教我怎麼

睡旦還不走丑下旦占做針指介

集賢賓

旦

黃昏暝色烟侵柳水輪溶灩初浮花底

金猊蘭篆紐正寂寞蕭條朱牖金針在手繡不就  
雙頭蓮藕心自剖爲塞北飛鴻無有

前腔

占

初更鏡月懸盡樓清光掩映簾鉤紙帳芙

蓉方冷透欲睡去還羞無偶孤燈自守聽幾處搗  
衣聲驟心似剖爲隴外魚書無有

旦

譙樓上已打

二鼓了

占

伯母手中做甚麼衣服

旦

做我相公

的裡衣他三載巡邊諒必客久裘敝預脩幾件  
待他回來更換也少盡女工內助之心

鶯啼序

旦

二更月皎雲歛收寒衣乘此裁就我欲

鳴鳳詞

待要動金刀恐怕剪斷綢繆那玉尺兒又恐量不  
到他此衷長短新舊別去三年不知他近日形体  
何如欲把衣服做小了時恐怕他養移體豐厚非  
常若做大了呵又恐怕他憂國難腰肢消瘦心似  
剖怕鶯老花殘難又占不覺又是三更了旦嬌嬌  
你綉着甚麼花占綉我相公袍上的補兒諒他  
復命回朝非科郎道預綉幾副鵲鵲鵲少助  
他烏臺青瑣之威

前腔

占

三更月午光四流殘絨吐了還綉且待我

拭乾了眼淚落得我淚痕斑血染針頭恐污了茜  
紅顏色難剖欲將此補寄到京師又恐怕繫住他  
補衮忠心忘却我結褵恩厚心似剖怕香褪紅嬌  
難又旦殘燈燭盡想是四更時分了嬌嬌請停了

針指罷

琥珀猫兒墜

旦

四更停綉心線猶掣肘剔盡銀燈

空待久子規啼罷月痕瘦

合

相守幾時得言韞綸

繩執箕携箒

占

鷄聲亂唱天已將明縱然憔悴已

不成夢矣

前腔

占

五更雞唱憔悴已良久玉倦花愁猶病酒

修容無主嘆搔首

合前旦

叫丫鬟收拾了衣線

丑

應上收介

唐多令

小外上

不用仲舒謀權回范蠡舟舊江山

都是新愁追想十年前在此今不是少年游下官

爲嚴家謀害易弘器盡言極諫不想奸賊將本

沉捺爲此掛冠長往今已來到杭州我想鄒林

二夫人同居在此必不知丈夫消息與朝中事

體便道經過與他口傳一信使他心安此是鄒

家門首家僮通報

付末報介

翰林郭老爺京回

要相見二位奶奶

旦

想是我兩位相公的業師

只得要相見他了

付末

老爺請到裡面

相見介

浣溪沙

小外

昔日曾叨駐柳橋

旦

幸逢車駕過

江皋

占

鳳城佳報入東郊

小外

羽扇乍揮江上

棹

旦

旌旗常望北來標

占

三年消息在今朝

小

外二位夫人下官歸家便道造拜

黃鶯兒

小外

名忝寄瀛洲爲英才遭寇仇

旦

英才

是誰

小外

易解元被嚴家要誅死他下官呵一封



逆耳當朝奏如今朝政又不比昔日了鴉蟬亂啾  
豺狼並游把忠良一網無遺漏時事如此做甚麼  
官觀朝綱天昏日暗因此上身泛五湖舟旦老大  
人在京可知我相公巡邊消息否

前腔

小外

鄉夫人你相公呵承命已三週向邊城

運紀籌澄清貞肅聲名驟

占

老夫人在朝亦有雲

南信息否

小外

林夫人你相公呵人豪挺秀邈焉

寡儔定應荆楚旋歌奏想二位也只在近日回來

諒回朝刻期指日因此上信附一篋舟

旦

重蒙大

人見報佳音但恐奸黨縱橫我相公輩縱得還  
朝難保後患

簇御林

旦

朝雲亂夜雨愁嘆危疑公與侯朝門拜

鬼言非謬怎能勾他衣錦游清晝合省憂愁天生

俊傑多應使保金甌占雖蒙大人附信但我相公

歸期尚未可必

前腔

占

魚沉杳雁遠悠怕將歸又挽留豐城去劒

難回首問蒼天人到也何時候

合前小外

二位夫

人請白寬心下官告辭了

旦占

多慢大人不勝

惶愧 小外收人南北天涯杳聊附佳音到浙東

且占無限心中不平事一番清話又成空 並下

淨扮舍人背勅上 是非只爲多開口煩惱皆因

強出頭自家是京師賣勅舍人爲何說此兩句

可笑那翰林郭希顏將陞侍郎之職安然做個

美官倒不好也去把嚴家父子盡言一本棄職

歸山不想聖旨批下郭希顏誣謗大臣私自逃

匿着彼處巡按竟自梟首傳遞京師爲此着我

賁勅前往江西巡按開讀聞得他纔在杭州經

過想到家未久不免趨行前去正是松菊方娛  
彭澤令獨鏤又賜閭閻臣下

第三十六齣

生上

點絳脣前紫陌鷄鳴未央鐘動天旋斗朝衣抖搜  
步急環聲驟郎官下應列星辰鐵面銅肝石作心  
從今抽出除奸手一掃塵汚海宇清下官監察  
御史鄒應龍是也巡視邊衛復命還朝可耐嚴  
嵩父子濁亂朝政殺戮忠良且聞他私自票本  
口傳聖旨爲此諫官多受其害今日下官將他

罪惡一一條陳必要痛哭君前感動天聽倘有  
不虞何惜一死此是午門了入朝尚未有人

點絳脣後

末上

爲國忘眠午夜聽傳漏君知否贊

襄前後忠骨潛消瘦顛衣起問夜何如錦皂囊中  
有諫書當道豺狼還未剪何須郊外問狐狸下  
官刑科給事係丕揚便是爲嚴嵩父子奸黨盤  
根罪惡盈貫故此日夜勞心訪得真情實跡將  
他一一詳奏倘蒙聽信天下國家除大害矣已  
到午門想天氣尚早朝班未齊呀這是鄒道長

生這是孫掌科朝服在身不敢施禮末老道長

幾時回朝的生下官昨日纔回今早復命請問

老掌科言責在身奏何急務末爲嚴家事情生

實不相瞞下官亦是此舉末可見賊臣爲天下

公惡生恨吾輩面君之晚老旦扮內臣上綉帶

蟬冠服皂衣天顏喜怒早先知中常自古稱高

貴不犯當年劉瑾誅自家是上位爺跟前傳命

太監昨日爺幸經筵聽講夜深勞久今早已不

視朝各官俱散去罷生臣等二人有疏干瀆天

聽 老旦 也待明日罷 末 臣等俱是機密重情不

容少緩 老旦 如此上前叩頭與你轉達天聽 生

臣鄒應龍惶恐惶恐頓首頓首謹奏

駐馬聽御史班流復命天朝拜冕旒 老旦 爲甚麼

來 生 只爲奸邪元老濟惡羣雄濁亂皇猷一朝成

濟把戈抽創謀當國將誰咎懇乞天優宥臣狂罪

容臣奏 末叩頭 萬歲萬歲臣孫丕揚誠惶誠恐稽

首頓首謹奏

前腔給事班流職主言詞任國憂 老旦 爲甚事來

未只爲八關賊子九尾邪狐敵國同舟須防涓水

泛洪流燎原不滅難成救懇乞天優宥臣狂罪容

臣奏

老旦

文表與你轉達二臣可到朝房聽候重

瞳高照處諒有玉音來

持本下生

且到朝房去

末老道長方纔本未進上小弟不敢明言今日

之舉事在必濟矣

生

兄何以知

末

道長忘了昔

年曾記僊游祈夢云三人名一在內由今詳之

一字加內字是個丙字小弟與道長林年兄俱

中丙辰進士已應了首句了又云千一來高山



退千一是壬字山與高是嵩字今正當壬戌之

年諒嵩賊可退矣

生

若如此謝天不盡但不知

後云八丘同郡無君等語應在何處

末

僂機不

可預測後必有應驗且近日奸黨頗覺不利

生

那見得

末

趙文華夜飲歸家遇楊椒山陞靈卒

然暴死鄔懋卿忿恨寵衰疽發背而亡

生

此皆

是惡報下官纔得入朝未知其詳

末

只可惜令

師郭大人亦爲糾彈賊臣着江西巡按賜死於

家了

生驚哭介

我那恩師緣何有此慘禍

末

此

非哭泣之所道長不可失聲

內喝旨下生末晚

介老旦上

聖旨道二臣所奏嚴嵩父子惡迹太

多豈無一實着錦衣衛親領官校速拿送三法

司逐一究問嚴嵩係老臣如有可原或可放歸

免死嚴世蕃羅龍文嚴鴻嚴鵠等着從重擬罪

毋得輕貸

生末

萬歲萬歲萬萬歲

衆扮校衛持

扭其上

饒他不犯三章法誰怕當朝第一人二

位老爺錦衣朱爺請問去嚴家拿那一個

生與

我合門大小拿來

末

不要遺漏了一個

衆應介

人心不似鐵王法却如爐善惡終須報神明豈  
是無

下生末弔場內喊介

平生未了事今日有

人補

生末听介

空中若有人聲

內喊如初介生

奇哉奇哉此是楊椒山昔年臨刑之語想他忠  
冤不散今日我輩成功他愿已遂矣我等就此

望空拜謝

生末拜介

香柳娘

合

仰忠冤在幽仰忠冤在幽丹心不朽軋

坤浩氣瀾綸久今日呵慶平生願酬慶平生願酬  
奸佞悉拘囚忠良賴匡祐椒山公你忠心既白追

贈在指日也看宸章錫優看宸章錫優雨露重新  
勲名復舊

生

昔日忠良志未伸

末

而今寰宇始清寧

生

不是諸公遭遇蹇

末

天將完節付斯人

### 第三十七齣

淨上

滿庭芳前侮慙狂生揚眉樹眼欺凌數載元臣誰  
知弱草顛覆路行人惹得龍顏震怒要乘時早辦  
歸程堪悲處銘功繪像一旦削麒麟叱咤千人廢  
陰謀萬鬼驚一朝權不在有令也難行我老嚴

廿載元勲半朝天子自量今生無人忤我矣誰  
想那新進畜生鄒應龍孫丕揚撻拾浮言御前  
親奏皇上下怒將我一家拿問老身幸有免死  
金牌放歸田里三法司把我孩兒擬成斬罪諸  
孫並發爲民幸蒙皇上憐憫將世蕃姑問南雄  
衛充軍案獄已成無從可辨只得收拾回去也

滿庭芳後

什淨外扮家人占扮解語花同上什淨

恩榮期享盡豈堪坦道忽遇車傾占脫冠辭印俛  
首向楓宸外舊日相趨僚友到今朝總是矛盾合

於頭上聲聲杜宇叫斷別離魂淨孩兒行裝既備

早早登程付淨只是天色嚴寒恐有雨雪淨這

也沒奈何付淨如此就行行介淨孩兒你看張

家灣裡來千去萬今日之行教我怎生見人付

淨爹爹別人回去反有車馬供帳送出都門我

家回去揣也不揣世情其實可惡淨早上不做

官晚上不作揖如今管不得他了下船去罷占

上天下雪好個淒涼風景也外老爺今日的雪

比楊員外殺的一日猶大淨陡

甘州歌

淨

朔風寒凜看彤雲連野雨雪紛紛

付淨

歸途悽慘難比鳳池鰲禁

占

潛下外

稟老爺解語

花私自逃去雪天無處可覓

淨

巢傾鳥散理之自

然由他去罷西堂已無留客主

付淨

南浦難留出

岫雲

合

藍關遠秦嶺橫慙無湘子度韓文休嗟怨

勿涕零復牽黃犬向東門

生扮

內臣領衆賣勅上

千里黃麻頒御祭一封丹詔下維揚自家是奉

勅內臣爲昔年都御史曾銑受誣死于非罪今

奸臣驅逐皇上追思前功欽賜復爵差我親賣

御祭表揚功烈將近楊州不意遇此大雪如何

是好衆公公河內冰凍不能前進生初冰未堅

趁早打去丑那裡有一隻內閣牌衙的船也冰

斷在此生咄誰要你揣他你自用力打去便了

衆應介丑作歌頭打號衆打水介丑打開來也

衆恒耶丑再打開也衆恒耶丑你看萬里冰山

衆恒耶丑漸漸開也衆恒耶丑想是天公衆恒

耶丑行惡報也衆恒耶丑凍死那奸臣衆恒耶

丑再不來也衆恒耶丑一齊力也衆恒耶稟公



公有河路了生有河路了快行前去正是昔年

埋骨江山恨今日揚名草木香率衆下淨這個

太監昔日也有往來今日略不揣我可見人情

惡薄付淨他便不揣我河水到虧他打開了趙

行前去

前腔

淨人情等曉雲嘆悠悠歸棹無人憐問付淨

斜陽衰草西風裡悲切王孫小外奔上小人是楊

州管典人嚴冬手下差來的嚴冬向年打死人命

無人敢發今因老爺歸了被人告陷在獄求老爺

一個帖兒救他一救淨我自家也管不得怎救得

他你去小外下淨闔門總爲間內虎入井難扶泉

底人合黃扉草紫府塵舊時王謝燕何存思龐老

學邵平從今辟世杜柴門下末扮董傳策上我本

蓬萊水漸作清淺流青門種瓜人舊日東陵侯

董傳策向爲糾劾嚴賊謫戍歸家今幸奸謀敗

露父子斥逐在我地方經過不免去嘲笑他一

番那來船想是了且住若說是我決不肯招接

用計哄他便了

鳴鳳詞

前腔

淨付淨外上介

孤帆過幾村  
覩歸鴉落日頻

添愁悶樓船車馬知不似昔日喧騰

末船上通報

黃如桂要見老爺

淨黃御史是我故人請上船

來相見淨驚介

呀這是董幼海先生何來末小

子向蒙教訓特來拜謝

淨已往之愆悔之晚矣

付淨見末介

董先生別來丰采倍常卽日諒有

榮擢

末

小子戎伍之列何足掛齒

淨

愚父子乏

物表忱不敢過拜

末

在敝地經過本當奉些小

禮奈我松江舊有三般土產今已無矣

付淨甚

麼三般土產末第一件我松江出得好墨但與

喬梓心上自是墨黑諒不希罕故不敢奉第二

我松江出得好布近日被江西大夥強盜郭宜

收去與衆手下裹頭各舖賣盡亦不得奉第三

我松江出得好絨單不知趙文華的好賊向年

打那大單子何用行家折了本錢此後再不肯

打小子止打得一個紅帽兒在此送與東樓南

雄去帶袖出帽送介竹淨惶愧惶愧末不是黃

塊是一個金勇字這金子還高是七寶金凜器

的成色付淨董先生勾了末小生還有俚語幾

句贈喬梓榮歸出詩誦介人心昧天難昧報道

循環豈無會文華死後懋卿亡繼續應知第三

位金山衛南雄衛不同先後還同罪憑君挽盡

海洋波難洗奸名千載愧淨董先生愚父子已

知罪矣末如此小生告回請了片言誅破奸雄

膽辱撻何須到市朝下淨嘆介付淨都是爹爹

教他上船到受了小畜生這一場大氣淨開船

去罷省得又有人來令枉中幸脫李膺手廁上

須防鄭虎臣休停轍莫問津江東父老面難親游  
魂擾旅夢驚空思待詔在金門

下付朱扮朱裁背

包上

十五年前中禍機孤雛老燕各分飛皂風

清穆天心順今日當還合浦珠我朱裁向隨小  
主母公子僑居易相公家今幸鄒御史老爺驅  
逐權奸天恩大赦聞我老夫人與易相公只在  
目下同歸故里不免遠來迎接已到杭州北新  
關上不知他到那地方了只得沿路問去那里  
一隻官船有兩個官兒登岸來了就去問他

前腔

淨付淨外上合

山程又水程似行雲追雁縱

橫不定湖山風景雖如舊欲玩無心

付末背云

這

兩個是嚴家父子想他不認得我了我也只做不

認得問他二位老爺路上可聞得夏老夫人的歸

船麼

淨

不曉得

付末

就是向年被嚴家流徙的夏

老夫人今遇赦回來可曉得麼

付淨

那裡曉得

付末

想他是女流路上不知名可曉得易解元的船

麼

淨

一發不曉得

付末

就是向年被嚴家謀殺的

易解元如今也在廣西回來

付淨

那人好可惡說

前腔

老旦付末丑同上合

黃沙邊地孤蹤久淹滯

霜徑秋容老晚景天休至姑姪崎嶇長途幾滋味

記昔日辭家處嘆舉目江河異

小生率衆上

前望

孤帆近水堤此去相逢未審誰

丑

咄你那船兒不

要趕上來省得抖了緯

淨

咄我是巡江老爺的

船誰敢不讓我前去

丑

夏老夫人在船裡那怕

巡江老爺

淨

打這廝

打介小生

水手爲何喧嚷

末稟老爺那船是夏老夫人在裡面水手爭先

故此喧嚷

小生

既是夏老夫人在此且住了船



鳴鳳詞

待我相見巡捕官報巡江林爺相見老夫人  
末  
報介小生過船相見介小生忠義遭遷播相逢

生感傷

老旦

野花迷舊境山鳥逐斜陽

小生

家

破人猶在山荒草更長

老旦

壯年悲反覆一代

語興亡

老旦

林大人請坐

小生

請問老夫人數

年流徙安否何如

江兒水

老旦

朋黨戈矛起忠良頃刻危一家流徙

難逃避止有侍妾賽瓊家人朱裁又不得相隨至

親轉展皆離棄

小生

可有人看顧麼

老旦

多虧負

了兵部張大人困危中饑周廩餽寒添絮幸免顛  
連狼狽今日歸時呵此後音稀未審報恩何地小

生

老夫人雖受苦楚幸得賽瓊姐生得公子在

我鄒長兄家撫養數年已送歸故鄉今日回去

正是一家骨肉團圓也

老日

林大人雖蒙鄒大

人夫婦大恩只是老身不能報謝

**前腔**

小生

老夫人你昔日呵家破人亡矣相離倍

慘悽烟飛霧散無存濟最苦是桑榆遭亂世今日

呵天生麟子承先祀嫡妾從今相遇須信苦盡甘

來晚節黃花無旣老旦舍姪易弘器要見大人因

避難回來不敢拜見小生令姪在此何不早說

請過相見想此位就是了你未見小生晚介公

祖老大人易弘器拜見小生還未到任快不要

行此禮請起付未不敢起揖立介小生請問易

先生何由與令姑同歸

五供養付未春闈臨試驚遇奸雄潛伏危機嚴嵩

父子欲占田產將酒沉醉小生夜間着人斬首小

生那時怎生脫了付未伊姑生善念冥夜啓金匙

小生那時何不就歸付末多蒙翰林郭大人恐我

路上遇害指示邊關投避鄒公御史小生原來在

我鄒兄處如何又到廣西付末適遇兵部張大人

亦謫戍在邊蒙鄒大人呵贈金并釋罪同去到關

西今日遇赦回來正是落葉歸根豐城劍回小生

易先生奸佞驅除忠良相遇今日之會是天使

然也

前腔小生青雲偉器豺虎叢中欣脫禍危付末今

日太奸除去小生還鄉亦至幸也小生雖如此還

鳴鳳記

不足以盡其罪以下官處之大奸須赤族餘黨悉  
殲除凡事皆有大數若賊臣不來害你那裡便到  
全州今日呵最巧機關天使携歸姑氏以此觀之  
夏太師之後必昌仁人多有後元宰豈無兒先生  
此回正是缺月重圓雙還浦珠

尾聲明朝巡視洪都地拜謁先賢表故閭合徐把

餘奸來斬取小生下官告辭了老旦舟次多簡慢

幸勿見罪小生不敢老旦十五年前豺虎橫今

朝始遇鳳凰羣並下小生對末介快備路費囑

程送到夏老夫人船上去末應介小生傳迓後

船上備酒請夏老夫人少坐末應介小生此行

愿挽長江水合洗盡冤冤怨骨醒下

第三十九齣付淨上

水底魚兒驛宰風騷烏紗葉葉囂趨迎當道走得

脚無毛自家是醴陵縣祿口驛驛丞到任以來銅

錢無處取覓鎮日迎官接府爲此自做幾句口

號不免誦一番自幼出身小吏要錢千方百計

撇清做勢揺手罰呪只當放屁守得六年考滿

受了萬千驚塊朝要接官趕緯夜要巡更發播  
河泊已爭我個喏淺閘官以鎗我個坐位昨日  
充撞子一個洗馬跪子了殺雞弗忌朝廷以弗  
來欽取吏部以弗來獎勵跌帽介仔細思量我  
也弗去戴個骨骨以怕弗像個付淨做戲方纔  
起馬牌來巡江林老爺就到不免又要去接下

福清歌

右左喝道小生上

爲讒人胡行不道痛黎

民顛連無告巡行省察問知因鄉民耆老這孽冤  
爲民須報國正天心順官清民自安鴟鶚應滅迹

郊外見鸞鳳下官巡視江西訪得嚴嵩父子稔  
惡不悛白占鄉民田產強搶良家子女縱家奴  
郭宜等假爲防盜打劫鄉村嚴世蕃抗君玩法  
不赴南雄昨袁州府郭推官已伸他罪惡在本  
院但未有實跡不免到湖廣長沙府醴陵縣與  
他連界地方密訪一回便知端的此處想是醴  
陵縣了付淨上 祿口驛驛丞帶領人夫接爺爺  
小生起去付淨 請爺爺到驛裡坐小生 叫驛丞  
我且問你此去袁州府內平鄉地方有許多路



付淨 地之相去也千有餘里透說了一半 小生

只五百里如此相近你可知嚴閣老家的行惡  
麼 付淨 知之爲知之不知爲不知這個不敢調

謊 小生 你曉得可細說一番

下山下

付淨

大人聽告嚴府官豪一自歸江右勢

惡似鴉縱使護衛家丁遠方爲盜白占田園無控

告奸淫事知多少間巷呻吟兒女號

小生 怒介

聽

說教人怒情難恕饒須奏金鑾勦爾巢驛丞且退

叫左右快擡放告牌出去若有告嚴家冤枉事

情不拘時進

衆應介付淨下

字字雙

淨扮告狀人上

吾家積祖來溫飽稱饒

地被人白占了煩惱與他爭執逞官豪打倒關天

人命非爲小來討

跪介

爺爺告狀

前腔

丑扮婦人上

吾家兒女年紀小乖巧體態娉

婷又娜嬾真好何期撞着貴家豪拖倒紅羅帳裡

作鴛交壞了

跪介

爺爺告冤枉事

左右喝

不要亂

嚷爺爺要面審唱名進去

淨進跪介小生

你是

何處籍貫姓甚名誰

淨

小人知名不具

小生咄

從直說來

淨

小人叫名趙出來狀告占產殺命

事小人有二千畝五升民

小生

是田了

淨

價錢

真直來千去

小生

甚麼樣田價直萬金

淨

水已

種得海洋強旱又種得頭暈眼

小生

是花稻兩

熟的了

淨

撞子嚴世蕃個宿積老枕同子個賣

藥郎虎寫子個二十四

小生

既有文契是買的

了

淨

爺爺索成籍子我個黃金白一網罟子我

個鼻涕眼

小生

賴了銀子收了花利那時却怎

麼了

淨

小人便上渠個雙扇牆替渠算個梅花

紙觸子渠個有頭無就反轉子個京都地背絲  
巾子我個黃冊書懸空高子我個青絲細萬里  
長便心悅成子金頭銀別鎗弄便風吹浪個金  
華火登時吐出子個嫡親骨幾乎送子個殺猪  
華小生你受累了淨爺爺還有大事拿個梨祇  
勞來玄壇菩滴瀝汨子我個航船埠小生你的  
頭兒見在淨爺爺有個緣故他殺時節小人怕  
事縮了進去如今告狀想有了利息故此鑽頭  
出來小生狀子准了本府伺候淨應下小生喚

那婦人進來甚麼姓名丑小婦人是刁潑氏小

生刁潑婦人必是造言生事推出去丑爺爺我

只愛推進來弗願推出去小生男子那里去了

要你來告丑乞個丈夫死子了小生既如此從

直說來丑告狀婦香柳娘年甲十二紅係八聲

甘州籍狀告風流子强姦好姐姐事有女似娘

兒生得眼兒媚鎮日懶畫眉未曾花心動豈被

薄倖毀世蕃經過傍粧臺窺見點絳唇自恃太

史引勢喝令醜奴兒捉過三仙橋竟到鳳凰閣

只待四邊靜拖入銷金帳上除女冠子下除紅  
綉鞋脫下紅袖襖解開香羅帶襯着玉胞肚做  
個划歛兒七犯忒忒令直到滴滴金意旨蝶戀  
花占攸七娘子見有虞美人瑣窓郎等知註切  
思念奴嬌哭得青衫濕乞差蠻牌令拘捉一千  
花犯親奏一封書驅除下山虎庶使普天樂有  
此上告小生狀子准了去丑應下內喊介爺爺  
救人救人小生那裡嚷衆稟老爺嚴家差人四  
路阻截搜捉告狀的有一個老兒被他拿去了

小生怒介 有這等事在我衙門首敢如此無狀

叫巡捕官快拿 衆拿付淨同外上外 爺爺救命

方才小人來告狀被他拿去搜了狀子幾至打

死幸得爺爺差人救了 小生 你叫甚麼 外 小人

叫張謙家住袁州府內平鄉一家俱係嚴府官

舍郭宜文攀錦等劫掠殆盡老身漂流異鄉今

來投告青天爺爺 小生指付淨介 他是甚麼人

外 他叫嚴年是嚴家第一個豪奴 小生 張謙外

面伺候把那狗奴夾起來 外應下 衆夾付淨介

小生 你那厰好好把你家裡打劫強姦搶占等

情一一招了饒你性命 付淨 爺爺待小人招小

生 取紙筆過來寫他口詞

蠻牌令

付淨 望鏡臺苦哀告饒刑罰愿供招 小生

詳細說來 寫介 付淨 官舍郭宜文攀錦真劫掠逞

雄鴟 小生 你嚴世蕃在家何所作爲 付淨 恣荒淫

窮奢歡樂 小生 記得吞占許多田地麼 付淨 信知

吞衆產盡民膏 小生 他姦搶許多婦女却怎麼說

付淨 這姦情莫逃聽申明早典刑曹 小生 且放了



押這廝醴陵縣監候衆押付淨下小生一面去

外邊收衆百姓狀了一面去喚聽差舍人進來

衆收狀子上稟老爺共有二百八十五張狀子

小生封好在卷箱內末上聽差舍人見爺爺衆

應介進來小生可恨那嚴家父子罪惡滔天遠

近受害我連夜寫本你明早兼程上京速千大

聽急救生靈起來聽我分付

雁來紅小生豺狼毒未消痛蒼生適際遭一封再

瀆重瞳照巢穴須傾倒願轉悲號盡樂郊合居當

道應除勢豪望天誅須到早

前腔

末

羣黎久竄逃幸觀風省四郊除奸須替天

行道民命期重造看取光天玉燭調

合前

生帶罪歸來惡未除

末

又勞節使上天書

生閉閣已無思過日

合

闔門應有減宗時

### 第四十齣

一枝花

小外扮推官雜扮二吏奉文書首級上小

外猛虎渡河深避鱷魚馴性無虞江右喜逢清白

吏直把妖氛盡掃除

合

黎民頌允釐商於富足秦

人泣回首咸陽車殉裂自古奸回報不輕慘禍  
由來自作孽下官袁州府推官郭諫臣是也昨  
奉王命同御史馬文健兵馬陳潤抄沒嚴嵩全  
家腰斬世蕃示衆江院林公要世蕃之首祭告  
郭侍郎大人故此將抄沒文書并他首級送到  
察院門尚未開不免在此少待

前腔

小生率衆上

天道好還如寄人心公論難違

蟬遇螳螂方捕取又見黃鸝宿柳枝

合

英雄總是

愚

衆開門吏報介

府官告進

小外

袁州府推官拜

見 小生 請起 小外 起揖介又跪送文書介 這是

抄沒嚴家的數目 小生 請起來說 小外 立介稟

老大人嚴老已押去養濟院討了收管了 小生

雖則如此尚不足以報夏曾楊郭諸公之冤 小

外 妻孥俱沒入功臣家爲奴卽日起解 小生 僅

可以雪夏家流徙之耻 小外 只有嚴世蕃一女

自縊一媳婦投井而死 小生 此是楊宜人陸姑

之報豈爲節義而亡 小外 諸孫嚴効忠等皆戍

萬里邊衛 小生 此僅足以報張鶴樓等三臣之

冤

小外

推官會計他田地共有八萬六千五百

畝俱已拴訂明白斷給原主止存半畝與老嚴

做個墓身之地

小生

他做人盡了恐不爲道路

所容

小外

他莊宅共有四十二處廳堂舍宇三

千八百間俱已拆卸官賣止留一所塑夏曾楊

郭諸忠臣神像在內嚴家父子跪于臺下如岳

墳故事以爲忠佞之鑒

小生

這也處得好

小外

還有抄沒金銀首飾寶玩家私共計解京者二  
百軍船其餘十分之二給賞與本處受冤小民

其十分之三奏請代免今年田租之半

小生這

個一發處得好

小外

嚴世蕃已迎過四門腰斬

於市首級獻在臺下

小生

取過來

吏捧上小生

看介咄你那賊子也有今日英雄那裡去了叫

左右擡祭禮過來就此設立神主祭告郭翁推

府在此同拜吏外面伺候

應下衆擺香燭祭禮

首級介小生

看酒來

拜介

北新水令

小生

自違道範德音稀爲傳旌久淹螢

地幸微軀脫禍機念深恩難報取我那恩師你本

要別盤根利器豈知先喪在鎗鋒底

小外

看酒來

送酒介

南步步嬌

小外

堪傷人菱山頽矣嘆枉受了虛名

利枝頭杜宇悲聲聲叫斷故人愁緒郭大人你秋

江已有美鱸魚無端天外飛鏹墜

小生

再斟酒來

送酒悲介

北折桂令

小生

痛追思舊日相隨德業文章斗重

山齊慶遭逢身上瑤池名登紫闕御燭迎歸我那

恩師恁祇爲驅奸賊一行諫書把前功半途輕廢

枉却知幾誰想道種荳南山又把恁重做了擊缶  
楊暉

南江兒水

小外

說到傷情處難禁珠淚垂玉堂金

馬輕遺棄清流投向黃河際楚歌江上秋風碎今  
日鄒林二大人誅滅奸雄也與你泉底幽冤舒氣  
只恐怕同掩黃沙佞骨尚欺忠義

小生

恩師大人

嚴世蕃奸賊之首已獻在靈前望賜明鑒

北雁兒落

小生

擺着那躋蹌躋蹌竊鼎儀獻着那眼

睜睜賊首級望洋洋昭義氣聽轟轟吞佞鬼

悲介



恨則恨檜雖亡飛先死忠和佞兩成灰拭不乾萬  
古江山淚咽不住千年風木悲恩師俺念着君親  
師事同一體思之這冤愁千年萬載不盡太平車  
南僥僥令小外 鼎湖龍遠去華表鶴歸遲終古王  
孫無覓處徒使涕交頤怨着誰

北收江南

小生

呀早知道禍機隱伏誰羨着掛冠

歸便做了子陵靖節也來追仕途危殆有如斯總  
不如漁樵牧兒總不如漁樵牧兒因此上英雄長  
使淚沾衣

南園林好

小外

對英靈香消寶貌挹忠魂言猶在

耳思功績杳然天際須指日復官曩追配享永流

輝

小生

昭告已畢且把祭禮收了

北沽美酒

小生

我那恩師呀你思歸引更作泣顏

回俺待要巡江渚反做了弔湘悲功在人亡事已

非空留着墮淚碑豫章城總是愁城洪都地皆成

怨地朝政有清寧時節奸佞有驅除之日可惜恁

爲國忠勲今在那里堪悲堪悲若要見恩師除非

在簡編中尋些遺語

鳴鳳記

尾聲

合

身騎箕尾歸天去氣作山河匡帝里願與

完節睢陽同勵鬼

付末上

朱裁見老爺奉老夫人

命求嚴世蕃首級祭告太師老爺

小生

把與他

祭過了還要解京祭會楊二爺

付末應下

小生

憶昔當朝罪惡時

小外

今朝赤族也爲遲

小生

仕途若要觀明鑒

合

遺臭千年在史書

第四十一齣

付末上

爲問當年素服儒於今腰下佩金魚分明有個  
朝天路何事男兒不讀書自家林相便是我老

爺向與鄒老爺結爲兄弟恩若同胞共除大奸  
各伸所願今鄒老爺陞授通政叅議告歸莖親  
我老爺特差我打聽消息若鄒爺到來我老爺  
奶奶也要同歸聚舊訪得他已到姑蘇驛了只  
在日下准到杭州不免回覆老爺早歸趨賀下

排歌

左右唱道生旦同上生

政自衡平官如水清

忝膺朝野聲名

旦

休誇上國息譏臣且慶江南見

故人

合

青山路綠水濱風光依舊越州城旌旗耀

鼓吹鳴歡歌今遂盡游心

生

澤國江山盡景開

旦

雙雙彩燕去重來

生

十五年前荒草路

且

而今

輻輳滿庭堦

生

且喜已到家中了叫家僮取帖

兒來打發府縣迎接的回去

外持帖衆接介生

你去多多拜謝倘有三司府縣來訪便說鄒爺

方回事冗明日接客

衆應下生

夫人我數年游

宦雙親未塋俱被那功名悞了

旦

驅馳王事斥

逐權奸可謂忠於君矣今日榮歸塋親鳳諸龍

章三牲五鼎也不失爲顯親之孝

生

夫人你曉

得念堂林弟巡視江西見嚴家肆惡奏請抄沒

將世蕃腰斬萬民除害其功尤在我上諒亦不  
日超遷旦若如此忠義功勳出在一家不負昔  
日締交之志可喜可喜

**前腔**

小生占付末同上小生

鯁骨孤臣芳年俊英

填篋連奏同聲

占

雲山兩地尚飄零聚散無常憶

故人

合

高車擁駟馬新此回不是舊時行交花樹

對語禽江城舉目總成春

付末進見介生

林相那

裡來

付末

老爺奶奶俱回在此

生

請進來

相見

介

減字木蘭花

生小生相見介生

昔年分袂陽

關滴斷悲秋淚

小生

今日歸家故苑同開向日

花

旦小旦相見介旦

倚闌臨鏡常思同望衡陽

信

占

怨玉愁香今幸偕游畫錦堂

生見占介生

鷺栖松棘山妻向愧無供給

占

鶴帶飛鳥夫婿

欣逢有琢磨

小生見旦介小生

孤雲飄泊未遑

結草兼啣玉

旦

雙鳳齊飛焉敢無炊不下機

生

賢弟歸期相值足見千里同心

小生

小弟聞長

兄歸塋故夫婦暫回代勞以盡弟子之禮

生

多

誼盛情不勝欣慰

小生

長兄久別後且把潤情

少叙

一封書

生

邊回見聖明爲朝端驅佞臣蒙恩賜轉

陞議叅謀愧此身負米常懷終養恨聊乞銘旌塋

藁砧

令

念私恩重天親學做兼全忠孝人

生賢弟

你把巡江事情少講一回

前腔

小生

當日出視巡聽顛連來告民封章達帝

京幸天誅得早臨開國承家難兩盡回首空勞望

白雲

令前占

伯母別後想福祉倍常

皂羅袍

旦

那日相辭蘭闥向長途迢迢幸抵京城



鳴鳳記

未遑深巷聽蠅聲忽隨返棹歸鄉井

合

幾年相倚

難忘寸心三秋相隔如挨萬春今朝重會情無盡

旦 嬌嬌在江西想亦平安

前腔

占

別後從游南郡幸舟中相遇夏老夫人

旦

相遇夏夫人不知賽瓊母子如今安在

占

賽瓊僑

寓易家門此回母子俱歡慶

合前生

賢弟大抵功

名事業自有天數追想昔年仙游祈夢無有不

驗我與孫立亭在朝房中始悟出三人名一在

內千一來高山退等語正是三人之名同登丙

辰進士嚴嵩斥退乃在壬戌之年豈非最巧仙  
機小生以此觀之後面幾句亦可類推其曰南  
北異八丘同郡無君諸不言丘與八是一兵字  
郡去了君諸去了言合成一個都字或者我三  
人分掌南北兵權同授都御史之職未可知也  
生此地位固不敢望但爲朝廷除了元惡亦不  
世之功也

生查子

宋 捧詔上

君恩豈負人臣節須持正龍虎

會風雲朝野咸歡慶聖旨到來跪聽宣讀

衆跪介

末奉天承運皇帝詔曰繩愆糾繆臣道爲先罰  
罪賞功軋綱不替愧朕涼德謬續鴻基心實未  
虛耳方逆聽以致賊臣嚴嵩父子弄權黨與亂  
政忠良誅戮閭巷呻吟宜加赤族之誅用雪蒼  
生之憤爾巡衛御史鄒應龍不畏強禦驅逐大  
奸巡江御史林潤和保黎民殲夷大惡誠曠古  
之奇功也應龍妻沈氏潤妻王氏並爲宜家之  
婦同贊報國之臣今陞鄒應龍爲巡撫雲南提  
督建昌等郡軍務左副都御史林潤爲巡撫應

天提督南京等處軍務右副都御史沈氏王氏  
俱封慧德淑人再照得二臣一係陝西一係福  
建天使助朕寄寓杭州仍賜各歸原籍著所在  
有司治第俟葬親完畢速赴乃任爾其欽哉同  
諫孫丕揚陞授提督紫荊等關軍務右副都御  
史其張翀董傳策吳時來並以忠言受誣赦罪  
復職以待不次超遷故相夏言追贈紫金光祿  
大夫仍賜遺腹子襲廕曾銑郭希顏並贈榮祿  
大夫楊繼盛謚忠愍太中大夫妻劉氏贈節義

鳴鳳

淑人配享學宮世以生員奉祀嗚呼旌善懲惡  
申公匪私生者享爵祿之榮死者沐恩光之貴  
欽此謝恩衆萬歲萬歲萬萬歲

山花子

生

平生自負經綸蘊連年播逐風塵幸微

忱敷陳帝庭一言感悟承明合荷天朝褒功錄名

黃麻紫泥傳玉音仙槎使節來鳳城四海平康億

兆歡騰

前腔

小生

明時得展匡扶政報君何恤捐生喜郊

原妖氛滅形朝端綱紀清寧

合前

前腔

印

荆釵裙布曾孤另桑麻幸遇娉婷想當初

天教曾盟何期異地相親

合前

前腔

占

孤蒲弱柳蒙厝認自知有愧繁蘋想前生

曾結世姻今朝寵詒同新

合前

節節高

衆

堂堂命世臣聚朝廷矢心重把綱常整

忠魂醒義氣伸芳名振非干明聖無聰聽榮枯生

死皆由命

合

光岳千年正氣存車書一統乾坤定

前腔

衆

凌烟已著名盡麒麟撫孤除佞持身正皇

風湧海宇清天心順國家有道多英俊從教盛際

同堯舜

合前

餘文

合

皇明聖治稱嘉靖遇明良喜起同聲始信

朝陽有鳳鳴

忠臣爲國共除奸

功在乾坤義燭天

自是朝廷多有道

直教萬載樂堯年

鳴鳳記下

終